

玉海



040  
1000:20  
34828

玉海卷第四十六

浚儀王應麟伯厚甫

藝文

古史

古者天子諸侯必有國史以紀言行後世多務其道彌繁夏殷已上左史記言右史記事周則太史小史內史外史御史分掌其事而諸侯之國亦置史官

虞史

大戴禮虞史伯夷

書正義堯典雖唐事本虞史所

錄以五帝之末接三王之初由舜史勒成一家可以  
爲法上取堯事下終禪禹皆舜史所錄鄭序以爲虞  
夏書五篇商書四十篇周書四十篇贊曰三科之條  
五家之教是虞夏同科也

唐虞史官典籍

後漢班彪傳其畧論曰唐虞三代詩書所及有史官

以司典籍

注見於史籍者夏太史終古殷六

史高摯周太史儋見呂氏春秋暨於諸

侯國自有史

吳志

右國史華覈上疏曰五帝三王

皆立史官敘錄功美垂之無窮

帝王輔佐篇籍

漢古今人表經傳所稱唐虞以上帝王有號謚輔佐不可得而稱矣而諸子頗言之雖不考慮孔氏然猶著在篇籍歸乎勸戒

夏殷春秋 太史圖法 殷冊書典籍

左傳後序 汲冢得古文其紀年篇起自夏殷周皆三

代王事唯特紀晉國其著書文意大似春秋經古者

國史策書之常也 史通 汲冢璣語記太丁時事而

目爲夏殷春秋 隋志古文璣語四卷汲冢書 六韜禹有史壽 呂氏春秋

通典 夏太史終古考圖法出奔商商太史向摯 一作高

考圖法出奔周晉太史屠黍以圖法歸周 書多士



惟殷先人有冊有典注殷先世有冊書典籍說殷改夏王命之意盤庚遲任有言注鄭玄云古之賢史

周志

左傳文二年晉狼曠曰周志有之勇則害上不登於

明堂

注周書也  
疏周之志記

文六年史駢曰前志有之曰敵惠

敵怨成四年秋季文子曰史佚之志有之曰非我族

類其心必異

注周文  
王太史

十五年春子臧曰前志有之曰

聖達節昭十二年仲尼曰古者有志克已復禮仁也

二十六年王子朝奉周之典籍以奔楚哀三年魯司

鐸火南宮敬叔命周人出御書序周禮有史官掌

邦國四方之事達四方之志諸侯亦各有國史大事

書之於策小事簡牘而已

中庸文武之政布在方策儀禮百名以上書於策

不及百名書於方注名書文也今謂之字

禮

小史掌邦國之志注鄭司

農曰春秋傳所謂周志國語所謂鄭書之屬

外史

掌四方之志注若魯之春秋晉乘楚檇杙 誦訓道

方志

家語

子夏反衛見讀史志者言晉師伐秦三

豕渡河子夏曰非也已亥耳讀史志者問諸晉史梁

曰已亥

正秋正義沈氏云嚴氏春秋引觀周篇云

孔子將修春秋與左丘明乘如周觀書於周史

漢

意儒家周史六弢六篇

卽今六韜

隋志春秋引周

志鄭書之說似當時記事各有職司後又合而撰之  
總成書記 金石錄晉太公碑曰太康二年得竹策  
書書藏之年當秦坑儒之前八十六歲其周志曰文  
王夢天帝曰昌賜汝望

周記

見記類

周考 周紀

漢志小說家周考七十六篇 考周事 臣壽周紀七篇  
宣帝時

周史記 詳見書類

汲冢周書史記解第六十一。穆王思保位惟難恐貽  
世羞欲自警寤作史記維正月王在成周昧爽召三  
公左史戎夫曰今朕寤遂事驚予乃取遂事之要戒  
俾戎夫言之朔望以聞注集取要戒之言月旦月望  
於王前讀言皮氏華氏夏后殷商有虞氏平林質  
沙三苗扈氏義渠平州林氏曲集有巢有鄒共工上  
衡氏南氏有果氏畢程氏陽氏穀平阪原縣宗元都  
西夏績陽有洛之亡

周書

見書類、勇則害上不登於明堂此周志也左氏載

於文公二年杜氏以爲周書國子賦轡之柔矣此逸詩也左傳載於襄公二十六年杜氏亦以爲見於周書千里百縣縣有四郡作雜篇之言杜氏以爲上大受縣之注南望三塗北瞻有河度邑篇之言臣瓚以爲班氏地理志之注天子不取反受其咎蕭何以爲格言安危在出令存亡在所用主父偃以爲確論記人之功忘人之過見於陳湯傳左道事君者誅見於王商傳鄭元釋廣行人曰周書王會篇備焉而寶摯之事益明馬融釋魯論曰周書月令篇而改火之義愈著顏師古議明堂叙應門雉門之制復援文王

居明堂之篇而後明堂之在路寢其論始定一行曆  
議授其時訓之篇天根朝覲爰始收潦又以維王元  
祀二月丙辰朔武王訪於周公爲正朔之驗縣縣不  
絕蔓蔓柰何蘇秦以說魏必參而伍之蒙恬以告秦  
民有五氣喜氣內蓄雖隱必見李善以注七發湯取  
天子之璽置天子之座六典旣以述符寶穆王有左  
史戎夫書前代存亡之誠復以論起居注牛弘援蔡  
邕王肅之言乃以爲周公所作若一行與釋後漢史  
者咸以爲周公時訓蓋必有所本矣 周史六弢六

篇周政

六篇

周法

九篇

河間周制十八篇並列於儒家蓋與是

史互見詳畧者也其書凡七十一篇至顏師古之時  
存者四十有五隋唐史志汲冢周書皆十卷見於雜  
史類唐志復載孔晁注周書八卷云今傳於世者視  
師古所見加多 詩皇矣疏引周書稱文王在程作  
程寤程典 大史而下建官惟五左史書動右史書  
言見於玉藻正義謂大史爲左史內史爲右史

周諸侯史記 魯史記 魯史策書

太

史氏書 國史

三國史記

隋志周官外史掌四方之志則諸侯史記兼有之  
左傳序春秋魯史記之名也記事者以事繫日以日

繫月以月繫時以時繫年仲尼因魯史策書成文左

丘明身為國史躬覽載籍

正義周世每國有史記當同名春秋隱七年注仲

尼脩春秋皆承策為經丘明之傳傳

采衆記書序孔子約史記修春秋

昭二年春韓

宣子來聘觀書於太史氏見易象與魯春秋

注云史記之策

書曰周禮盡在魯

序云韓子所見蓋周之舊典禮經正義魯實文王之書遵周公之

典故云周禮盡在魯

公羊傳莊七年不脩春秋注謂史記也

古者謂史記為春秋

公羊之義以為哀公十四年獲麟之後得端門之命乃作春秋

至九月而上筆孔子未修之時已謂之春秋

史記陳世家孔子讀史記至

楚復陳曰賢哉楚莊王輕千乘之國而重一言晉

世家孔子讀史記至文公曰諸侯無召王自序自



獲麟以來四百餘歲諸侯相兼史記放絕 **孟子晉**

之乘楚之檇杙魯之春秋一也注此三大國史記之

名乘者興於田賦乘馬之事檇杙者興於記惡之戒

春秋以二始舉四時 春秋正義案外傳申叔時司馬

不言乘與檇杙然則晉楚私立別號魯守其本名賈

遠云周禮盡在魯史法最備故史記與周禮同名

齊南史執簡以往董狐書趙盾以示於朝魯語

載文仲聞柳下季之言書以為三箴宋華督衛孫

甯名在諸侯之策左傳祝佗曰分魯公備物典策

注典策春秋之制晉徐廣傳乘志顯於晉鄭春秋

著乎魯史隋牛弘求遺書劉

炫偽造連山易魯史記等錄上

**史通**史有三彰善

貶惡不避疆禦若晉之董狐齊之南史上也編次勒

成蔚為不朽若魯之丘明漢之子長次也高材博學

名重一時。若周之戎，夫楚之倚相下也。

古者王朝五史。若諸侯之有史，僅見於封康叔、封伯禽。而他國無所考。自晉有乘，秦有記，魯有史，皆私史也。或者其周之東乎？史之綱要以編年爲本，而汾王以上諸侯有世而無年。至於共和，則國各紀元。周爲天子，雖諸侯史記亦得名爲周史。古者生子則

閭史書之。二十五家爲閭，閭尚有史。况一國乎？養

老有信史。飲酒或佐之史。宮中彤管。

左傳史佚有言曰：無始禍，無怙亂，無重怒，因重而撫之。其次有立言。注：史佚，周任，滅文仲。

周百二十國寶書

公羊疏案閔因叙云昔孔子受端門之命制春秋之義使子夏等十四人求周史記得百二十國寶書九月經立感精符考異郵說題辭具有其文周史而言寶書寶者保也以其可世世傳保以爲戒公羊之義據百二十國寶書以作春秋今經止有五十餘國通戎夷宿潞之屬僅有六十有極美可以訓世極惡可以戒俗者取之不可爲法者皆棄而不錄據百二十國寶書以

爲春秋非獨魯也而言內者託王以於魯故言內

戴宏解疑論云聞端門

之命有制作之狀乃遣子夏等求周史記得百二十

國寶書脩爲春秋 春秋說云孔子欲作春秋上得

陽豫之卦

宋氏云夏殷卦名也

六藝論云春秋者國史所記

人君動作之事左氏所記爲春秋右史所記爲尚書

孝經說云孔子曰春秋屬商孝經屬參 史通墨

子曰吾見百國春秋 史記正義何休云孔子集百

二十國書

周載

隋志雜史周載八卷東晉臨賀太守孟儀撰畧記前  
代下至秦本三十卷今亡 唐志雜史孟儀注周載

三十卷

晉春秋 楚書 鄭書

晉語司馬侯對悼公曰羊舌肸習春秋注春秋紀人事之善惡而日以天時謂之春秋周史之法也時孔子未作春秋 楚語申叔時曰教之春秋而爲之聳善抑惡教之故志使知廢典者而戒懼教之訓典使知族類行比義 大學楚書曰惟善以爲寶注楚昭

王時書 左傳襄三十一年子產曰鄭書有之安定

國家必大焉先注鄭國史書 禮小史注國語所謂鄭書 昭二十

八年晉司馬叔游曰鄭書有之惡直醜正實蕃有徒

注古書名 昭十五年景王曰孫伯黶司晉典籍爲

大政故曰籍氏辛有二子董之晉於是董史韓

詩外傳孫叔敖治楚三年而國霸楚史援筆而書之

策

記坊記魯春秋記晉云云

春秋正義云皆在孔子之前

史

通瓌語又有晉春秋記獻公十七年事竹書紀年其所記事皆與魯春秋同

齊管仲曰德刑禮義無國不記作而不記非盛德也魯曹劌曰君舉必書書而不法後嗣何觀

### 魯紀年

隋李德林傳史者編年也故魯號紀年墨子又云吾見百國春秋史又有無事而書年者春秋正義釋

例云仲尼春秋皆因舊史之策書義之所在則時加增損春秋止於獲麟自此以下至十六年皆魯史記之文弟子錄以續孔子所脩之經 祭法疏張融評云孔子刪書求史記得黃帝立孫帝魁之書 管子春秋之記注周公凡例諸侯國史也 公羊傳春秋之信史也 漢班彪傳定哀之間魯君子左丘明論

集其文作左氏傳三十篇又撰異同號曰國語二十篇由是乘檣杙之書遂闕 史通竹書曰紀年呂氏

春秋肇立紀號

左傳正義東哲傳云太康元年汲郡竹書有紀年十二卷

### 孔子三史

文中子王道篇謂薛公曰聖人述史三焉油謂書曰詩也春秋也三者同出於史而不可雜也故聖人分焉賈逵春秋序云孔子贊史記就是非之說立素王之法家語稱齊太史子餘美孔子云天其素王之乎

八代記

公羊疏襄九年左傳言魯襄公年十二而冠依八代記卽少昊亦十二而冠

青史氏記

見書類 風俗通義引青史子書



秦記

史記六國表太史公讀秦記

索隱曰秦國史記

獨有秦記不

載日月其文畧不具

今在始皇紀贊後蓋秦史之殘闕者

始皇紀李

斯請史官非秦記皆燒之

扁鵲傳公孫支書而藏

之秦策於是出

秦文公十三年初有史以紀事 秦內史廖

北史柳蚪曰南史抗節表崔氏之罪董狐書法明趙盾之愆執筆於朝其來久矣漢魏以還密爲記注徒聞後世無益當時著漢魏者非一氏造晉史者至數家後代紛紜莫知準的

正史

歷代國史其流出於春秋劉歆敘七畧王儉撰志史記以下皆附春秋荀勗分四部史記舊事入丙部阮孝緒七錄記傳錄記史傳由是經典史分編年紀傳各有所長編年所載於一國治亂之事爲詳紀傳所載一人善惡之迹爲詳編年其來最古而人皆以紀傳便於披閱號爲正史

漢史記

司馬遷傳司馬氏世典周史談爲太史公有子曰遷

云云

遷俯首流涕曰小子不敏請悉論先人所次舊

聞不敢缺卒三歲而遷爲太史令紬史記金鑽石室

之書

漢官儀司馬遷父談世爲太史遷年十三使乘傳行天下求諸侯之史記又見西京雜記史

記正義博物志云遷年二十八三年六月乙卯除六百石五年而當大初元年十

一月甲子朔旦冬至天歷始改建於明堂諸神受記

太史公曰先人有言周公卒五百歲而有孔子孔子

卒至今五百歲有能紹而明之正易傳繼春秋本書

詩禮樂之際意在斯乎小子何敢讓焉於是論次其

文七年而遭李陵之禍

天漢三年

卒述陶唐以來至於麟

止自黃帝始

張晏曰猶春秋止於獲麟師古曰遷敘事盡太初

班彪畧論曰上自黃帝下

訖獲麟注太始二年獲白麟

秦撥去古文焚滅詩書故明堂石室

金鑽玉版圖籍散亂

如淳曰刻玉版畫爲文字也

漢興百餘年間

天下遺文古事靡不畢集太史公仍父子相繼纂其職曰於戲余維先人嘗掌斯事顯於唐虞至於周復興之故司馬氏世主天官至於余乎欽念哉罔羅天下放失舊聞王迹所興原始察終見盛觀衰論攷之行事畧三代錄秦漢上記軒轅下至于茲著十二本紀旣科條之矣並時異世年差不明作十表禮樂損益律歷改易兵權山川鬼神天人之際承弊通變作八書二十八宿環北辰三十幅共一轂運行無窮輔

弼股肱之臣配焉忠信行道以奉主上作三十世家

扶義俶儻不令已失時立功名於天下作七十列傳

凡百三十篇五十二萬六千六百字正義曰史記起黃帝訖于漢武

天漢四年合二千四百一十三年百三十篇象一歲十二月及閏餘也後漢楊終受詔刪太史公書為

十餘萬言為太史公書序畧以拾遺補蕪成一家言協六

經異傳齊百家雜語藏之名山副在京師以俟後聖

君子遷之自序云爾而十篇缺有錄無書贊曰自古

書契之作而有史官其載籍博矣至孔氏纂之上繼

唐堯下訖秦繆唐虞以前雖有遺文其語不經故言

黃帝顓頊之事未可明也及孔子因魯史記而作春

秋而左丘明論輯其本事以爲之傳又纂異同爲國語又有世本錄黃帝以來至春秋時帝王公侯卿大夫祖世所出春秋之後七國並爭秦兼諸侯有戰國策漢興伐秦定天下有楚漢春秋故司馬遷據左氏國語采世本戰國策述楚漢春秋接其後事訖于大漢其言秦漢詳矣至於采經據傳分散數家之事甚多疏畧或有抵牾亦其涉獵者廣博貫穿經傳馳騁古今上下數千載間斯以勤矣又其是非頗繆於聖人論大道則先黃老而後六經序遊俠則退處士而進姦雄述貨殖則崇勢利而羞貧賤此其所蔽也然

自劉向楊雄博極群書皆稱逸有良史之才服其善

序事理辨而不華質而不俚其文直其事核不虛美

不隱惡故謂之實錄揚惲始讀外祖太史公記東

父公書有戰國從橫之謀天官災異地形阨塞不宜在諸侯王不可予

家太史公百三十篇十篇有錄無書東萊呂氏曰以

之目校之史記或其篇具在或草具而未成非皆無

書也唯武紀終不見魏王肅曰漢武帝聞遷述史記取孝景及已本紀覽之於是大怒馮商所續太史

削而投之於今此兩紀有錄無書馮商所續太史

公七篇注韋昭曰馮商受詔續太史公十餘篇在別

名宗後事劉向能屬文與隋志漢史記百三十卷

目錄一卷

唐志裴駘集解八十卷司馬貞索隱三

十卷

注開元潤州別駕

張守節正義三十卷

開元二十四年八月作

寶

祥史記名臣疏三十四卷王元感徐堅李鎮陳伯宣

注韓琬續史記一百三十卷葛洪史記鈔十四卷

隋楊

素奏陸從典續史記迄于隋書未就

裴駟集解序曰徐廣研核衆本

爲作音義具列異同兼述訓解增演徐氏采經傳百

家并先儒之說或義在可疑則數家兼列漢書音義

稱臣瓚者莫知氏姓今直云瓚曰又都無姓名者但

云漢書音義 司馬貞索隱自序曰史記於班書微

爲古質故漢晉名賢未知見重晉末徐廣作音義十

三卷宋裴駟作集解合爲八十卷南齊鄒誕生作音



義三卷貞觀中劉伯莊作音義二十卷

又撰史記地名二十卷許

子儒注又音三卷

貞釋文演注重爲述贊凡三十卷號索隱

又作補史記序改定篇目補其缺遺重爲之注號曰小司馬史記作三皇本紀補其闕

張守

節曰班固漢書與史記同者五十餘卷又史記五十

二萬六千五百言敘二千四百十三年事漢書八十

一萬言敘二百二十五年優劣可知

正義有論史例注音字例蓋法

解

晁公武曰班固譏遷

云云

遷特感當世之所失

憤其身之所遭寓之於書有所激而爲此言耳非其

心所謂誠然也

呂氏曰太史公高氣絕識包舉廣

而興寄深

**史通**

元成之間會稽褚先生更補其缺

作武帝紀三王世家龜策日者等傳辭多鄙陋非遷本意也

漢書

史記後傳

春秋考紀

後傳班彪才高好述作專心史籍武帝時司馬遷著史記自太初以後闕而不錄後好事者頗或綴集

謂揚

雄劉歆褚少孫史孝山之徒

然後鄙俗不足以踵繼其書彪乃述

採前史遺事傍貫異聞作後傳數十篇因斟酌前史

譏正得失其畧論

云云

今此後篇不爲世家唯紀傳

而已

隋志云遷卒後好事者亦頗著述然多鄙淺不足相繼至彪綴後傳數十篇并譏正前失

子固以彪所續前史未詳潛精研思欲就其業有告

固私作國史者弟超言固著述意郡亦上其書顯宗

奇之

史通曰太初以後雜引新序說苑七畧之辭

召詣校書郎除蘭臺令

史與前睢陽令陳宗長陵令尹敏司隸從事孟異共  
成世祖本紀遷爲郎典校秘書國又撰功臣平林新  
市公孫述事作列傳載紀二十八篇奏之帝乃復使  
終成前所著書固以爲漢紹堯運以建帝業至於六  
世史臣乃追述功德私作本紀編於百王之末厠於  
秦項之列太初以後闕而不錄故採撰前記綴集舊  
聞以爲漢書起元高祖終於孝平王莽之誅十有二  
世二百三十年綜其行事傍貫五經上下洽通爲春

秋考紀表志傳凡百篇

紀十二表八志十一列傳七十考紀謂帝紀也言考覈時事具四

時以立言

隋志云六十九傳

固自永平中始受詔潛精積思二十

餘年至建初中乃成學者莫不諷誦焉論曰遷文直而事覈固文贍而事詳固之序事不激詭不抑抗贍而不穢詳而有體然其論議常排死節否正直而不叙殺身成仁之美班昭曹世叔妻彪之女兄固著漢書

其八表及天文志未及竟而卒和帝詔昭就東觀藏

書閣踵而成之

劉昭補志序曰續志昭表以是推之八表其班昭所補天文志其馬續所

成

應劭曰元成帝紀皆班固父彪所作贊曰臣外

祖兄弟爲元帝侍中語臣曰注臣則彪也外祖金敞

也。劉昭曰：司馬遷作史記，爰建八書。班固因廣曰：

十志。天人經緯，帝政絃維，創藏山之祕寶，肇刊石之

遺貫。

律經 天文

禮樂 五行

刑法 地理

食貨 溝洫

郊祀 藝文

隋志一

百一十五卷。漢護軍班固撰。應劭集解建初中始奏表紀

傳其十志不就。曹大家續成之。中興書目：漢書一

百卷。漢尚書郎班固撰。南史：劉之遴傳：鄱陽王範

得班固所撰漢書真本，獻東宮皇太子，令之遴與張

纘到，既陸襄等參校異同之，遴錄其異狀數十事大

畧云：古本稱永平十六年五月二十一日巳酉，即班

固上而今本無上書年月日。唐顏師古傳為天子

承乾注班固漢書上之賜物二百段時人謂杜征南

顏秘書爲左丘明班孟堅忠臣其所注漢書急就章

大顯于時初師古叔游秦武德初撰漢書決疑師古

多資取其義志正史類顏游秦漢書決疑十二卷**唐志**御銓定漢書

八十七卷高宗與郝處俊等撰姚察漢書訓纂三十卷又著續訓以發

明舊義察珽之曾祖珽睿宗時人紹訓四十卷項岱漢書敘傳八卷

陸澄新注八卷漢書英華八卷失姓名隋志晉葛洪漢書鈔三十

卷文史類史漢異義三卷裴傑開元十七年上詳見唐七

十家**文中子**史之失自遷固始也記繁而志寡談

正史書遷能終之彪之史固能修之王充著書申班而屈馬張輔持論又劣固而屢遷晉張輔云遷之著

康熙二十六年刊

述辭約而事舉敘三千年事唯五十萬言班固敘二百年事八十萬言

宋志序司馬遷於紀傳之外創立八書班氏因之律曆禮樂其名不變以天官爲天文改封禪爲郊祀易貨殖平準之稱革河渠溝洫之名綴孫卿之辭以述刑法採孟軻之書用序食貨劉向鴻範始自春秋劉歆七畧儒墨異部朱贛博採風謠尤爲詳洽固並因仍以爲三志而禮樂疎簡所漏者多典章事數百不記一天文雖爲該舉而不言天形致使三天之說紛然莫辨樂經殘缺其來已遠班氏所述抄舉樂記馬彪後書又不備續

漢東觀記

上意

漢記

漢史

四祖

本紀

漢志

見三統歷

**隋志**東觀漢記一百四十三卷起光武記注至靈帝

長水校尉劉珍等撰

**唐志**劉珍等東觀漢記百二

十六卷又錄一卷

**中興書目**

八卷按隋志本一百

四十三卷唐吳兢家藏已亡十六卷今所存止鄧禹

吳漢賈復景奔寇恂馮異祭遵景丹蓋延九傳

**列**

**傳**班固除蘭臺令史與陳宗尹敏孟異共成世祖本

紀遷爲郎固又撰功臣平林新市公孫述等作列傳

載紀二十八篇奏之

顯宗時

李尤和帝時賈逵薦召



詣東觀安帝時受詔與謁者僕射劉珍俱撰漢記

張衡永初中

安帝

謁者僕射劉珍校書郎劉駒駮等

著作東觀撰集漢記因定漢家禮儀上言請衡參論其事會並卒而衡常歎息欲終成之及爲侍中上疏請得專事東觀收檢遺文畢力補綴又條上司馬遷班固所敘與典籍不合者十餘事蔡邕前在東觀與盧植韓說等撰補後漢記會遭事流離不及得成因上書自陳奏其所著十意分別首目連置章左帝嘉其才高及王允治邕罪乞繼成漢史太尉馬日章曰伯喈曠世逸才多識漢事當續成後史爲一代大

典邕死其撰集漢事未見錄以繼後史作靈紀及十  
意又補諸列傳四十二篇湮沒多不存注十意猶前  
書十志也邕上書曰光武已來唯記紀傳無續志者  
臣師太傅胡廣畧以所有舊事與臣積累二十餘年  
得備著作卽建言十志皆當撰錄謹科條諸志臣欲  
刪定者一當接續者四前志所無臣欲著者五律曆  
意第一禮意第二樂意第三郊祀意第四天文意第五  
車服意第六 劉洪在東觀與蔡邕共述律曆記  
伏無忌元嘉中桓帝詔無忌與黃景崔實等共撰漢記  
又自采集古今刪著事要號曰伏侯注其書上自黃

帝下盡漢質帝爲八卷

侯瑾案漢記撰中興以後

行事爲皇德傳三十篇行於世

隋志漢皇德紀三十卷起光武至冲帝

盧植拜議郎與馬日磾蔡邕楊彪韓說等並在東觀校中書五經紀傳補續漢記 應奉著漢書後序

注袁山松書曰刪史記漢書及漢記三百六十餘年自漢興至其時凡十七卷名曰漢事子劭集駁議其見漢記四又論當時行者中漢輯序 臨邑侯復好學能文與班固賈逵共述漢史子駒駮入東觀 劉珍永寧元年詔珍與劉駒駮作建武已來名臣傳 駒駮與珍著中興以下各臣列士傳

永平中。班固陳宗尹敏孟異共撰世祖本紀。固又撰  
列傳載紀二十八篇。而紀傳始立。安帝永初永寧  
間。劉珍駙駱張衡李尤等撰集爲漢記。於是又有  
名臣烈士傳焉。永壽中。則有崔寔邊韶延篤朱穆  
鄧嗣伏無忌之著作。熹平中。則有盧植馬日磾蔡  
邕韓說楊彪之補續。又作靈紀及補諸列傳四十  
二篇。而紀傳益備。唯書志缺。邕以十意足之。

隋志明帝召班固爲蘭臺令。史與陳宗尹敏孟異等  
共成光武本紀。固撰後漢事。作列傳載紀二十八篇。  
其後劉珍劉毅劉陶伏無忌等相次著述。東觀謂之漢

記 吳華覈曰班固作漢書文辭典雅後劉珍劉毅  
等作漢記遠不及固叙傳尤劣 唐劉知幾曰古之  
國史皆出一家惟後漢東觀大集群儒而著述無序  
條章靡立由是伯度譏其不實公理以爲可焚張蔡  
糾之於當代傳范曄之於後葉 侯瑾案之爲皇德  
傳應奉刪之爲漢事華嶠定爲漢後書司馬彪修爲  
續漢書范曄集諸家爲紀志列傳 文選魯靈光賦  
注引東觀漢記序漢以炎精布耀或幽而光 地理  
志南陽舂陵師古注引漢記元朔五年封買爲侯

續志注引蔡邕表志

東平王蒼傳永平十五年春行幸東平帝以所作光武本紀示蒼蒼因上光武受命中興頌

續漢書 八志

隋志續漢書八十三卷晉祕書監司馬彪撰

唐志同錄一卷

晉司馬彪傳

彪高陽王睦之長子泰始中爲祕書

丞注莊子作九州春秋以爲先王立史官以載善惡

是以春秋不修則仲尼理之關雎旣亂則師摯修之

前哲豈好煩哉蓋不得已也漢氏中興迄于建安思

臣義士亦已昭著而時無良史記述煩雜譙周雖已

刪除然猶未盡安順以下亡缺者多彪乃討論衆書

綴其所聞起世祖終孝獻編年二百錄世十二爲紀

志傳凡八十篇號續漢書

魏志注引司馬彪敘傳

梁天監中

劉昭集注後漢一百八十卷昭注補志序曰永平執簡東觀紀傳雖顯書志未聞推檢舊記先有地理張衡靈憲天文已煥蔡邕協妙元卓律曆以詳承洽伯始禮儀克舉郊廟社稷祭祀該明輪駟冠章車服臆列於是應譙纘其業董巴襲其軌司馬續書總爲八志律曆之篇仍乎洪邕車服之本卽依董蔡儀祀得於往制百官就乎故簿接繼班書通其流貫叔駿之書是謂十典范序未周志遂全闕廼借舊志注以補之

分爲三十卷以合范史

律曆

本劉洪蔡邕

禮儀

胡

廣蔡邕 譙周

祭祀

蔡邕

天文

五行

應劭 董巴 譙周

郡國

東觀記 伏無忌等

百官

東觀延篤等作表

輿服

蔡邕 董巴

宋朝乾興元年十一月戊寅孫奭請核

定劉昭補注志三十卷鏤板頒行從之

職官 輿服之

制尤爲詳備

漢後書

十典

晉華嶠傳武帝時典著作惠帝元康初以嶠有良史

之志轉祕書監嶠以漢記煩穢慨然有改作之意爲

臺郎典官制事由是徧觀祕籍遂就其緒起光終獻



一百九十五年為帝紀十二皇后紀二卷十典十卷  
 傳七十卷又三譜序傳目錄凡九十七卷易外戚傳  
 為皇后紀以次帝紀改志為典名漢後書奏之詔朝  
 臣會議時中書監荀勗等咸以嶠文質事核有遷固  
 風藏之祕府後汝南王亮衛瓘為東宮傅列上通講  
 嶠撰十典未成子暢續之未嘉喪亂存者三十餘卷

**隋志**

後漢書十七卷

本九十七卷今殘缺

晉少府卿華嶠撰

唐志三十一卷

晉諸公贊曰嶠撰後漢書世稱為良史

范史班固傳論畧華嶠之辭

永平中班固尹敏等作世祖本紀及建武功臣列傳

永初中劉珍等作建武後至永初間紀傳及伏無忌等作諸王王子恩澤侯并單于西羌地理志邊韶崔實等作皇后外戚順帝功臣傳百官表成百十四篇號漢記熹平中盧植馬日磾蔡邕等續補爲東觀漢記合百二十六卷薛瑩華嶠之書皆取於此

### 後漢書

謝沉後漢書

宋書范曄爲吏部郎元嘉元年左遷宣城太守不得志乃刪衆家後漢書爲一家之作至屈伸榮辱之際未嘗不致意焉自序畧曰詳觀古今著述及評論殆少可意者班氏最有高名旣任情無例唯志可推耳

博瞻可不及之整理未必愧也吾雜傳論皆有精思  
深旨至於循吏以下及六夷諸序論筆勢縱放實天  
下之奇作其中合者往往不減過秦篇贊自是吾文  
傑思殆無一字空設此書行故應有賞音者自古體  
大而思精未有此也 隋志後漢書九十七卷宋大

子詹事范曄撰 唐志九十二卷論贊五卷隋志讚  
論四卷

中興書目後漢書一百二十卷并劉昭補注志  
曄

作紀十志十列傳八十凡百篇十志未成初曄令謝

儼撰志搜次垂畢會曄亡儼蠟以覆車一代為恨梁劉

昭補注引序例唐章懷太子賢與張士晁氏志後漢

成之注引序例安劉訥言等為之注

九十卷志三十卷曄叙作書之意以比方班氏然其

多譏曄創爲皇后紀及采風俗通王喬抱朴子左慈

等詭譎事列於傳又贅辭佻巧失史之體

史通漢

中興以來劉珍等作漢記見上晉司馬彪爲續漢書

華嶠爲漢後書其十典不成自後作者相繼爲編年者四

放創紀傳者五家至宋宣城太守范曄乃廣集學徒

窮覽舊籍刪煩補畧作後漢書會曄以罪被收十志

未成先是晉袁宏抄撮漢氏後書依荀悅體著後漢

紀三十篇

南史梁劉昭集後漢同異以注范曄後

漢世稱博悉又吳均注後漢書九十卷

唐志章懷太

子賢注一百卷賢命劉勰言格希元等注儀鳳元年十二月二

日丙申皇太子賢上所注後漢書詔付秘書省劉昭補注五十八卷劉焯注

范暉書一百二十二卷韋機音義二十七卷蕭該劉

芳臧兢音合七卷隋志臧兢范漢音訓三卷劉芳音一卷蕭該音三卷

晉謝沉傳有史才著後漢書百卷及毛詩漢書外傳行

於世其學在虞預之右隋志吳謝承撰後漢書一

百三十卷無帝紀唐志錄一卷志承撰後漢書百餘卷吳晉薛瑩後漢記

六十五卷唐志百卷華嶠書十七卷本九十七卷今殘缺謝沉

書八十五卷木一百二十二卷唐志張瑩後漢南記

四十五卷本五十五卷袁山松書九十五卷本一百卷唐志一百卷

一卷

晉本傳

山松漢百官志 唐志有劉義慶書五十八卷

宋志引

宋

范曄書九十七卷讚論四卷漢書續十八卷梁劉昭

注曄書一百二十五卷梁有蕭子顯書一百卷王韶

後漢林二百卷常闇音二卷雜史有漢侍中劉艾撰

二帝紀三卷

梁六卷

張緬後漢畧二十五卷

唐志葛洪

後漢書鈔三十卷

文心雕龍後漢紀傳發源東觀

袁張偏駁薛謝疏繆若司馬彪之詳實華嶠之準當則其冠也

### 三國志

晉陳壽傳壽爲著作郎撰三國志凡六十五篇時人

稱甚善序事有良史才張華深善之曰當以晉書相  
付夏侯湛時著魏書見壽所作而罷元康七年尚書  
郎范頽等上表曰故治書侍御史壽作三國志辭多  
勸戒有益風化文艷不及相如而質直過之詔洛陽  
令就家寫其書不爲丁儀立傳又言諸葛亮將畧非  
長議者少之壽又撰古國志五十篇益部耆舊傳十  
篇

壽定諸葛亮故事爲二十四篇

隋志晉陳壽三國志六十五卷

敘錄一卷

宋裴松之注何常侍論九卷徐爰評三卷

唐志

晉王濤序評三卷盧宗道魏志音義一卷三國

鼎峙魏氏及吳並有史官晉時巴西陳壽刪集三國

之事唯魏帝爲紀其功臣及吳蜀之主並爲傳各依其國部類相從。唐志魏志三十卷蜀十五卷吳二十一卷。中興書目初王沈撰魏書四十八卷爲時

諱惡殊非實錄項峻撰吳書韋昭續成之五十五卷

隋志二卷壽集爲三國志撰魏紀四列傳二十六吳列

傳二十蜀列傳十五。史通先是魏魚豢私撰魏畧

卷五十一後孫盛撰魏氏春秋卷二十一王隱撰蜀記七卷張

勃撰吳錄卷二十宋文帝以志簡畧命裴松之兼采衆

書補注其缺世言三國志以裴注爲本。元嘉六年七月二十四日

上之表云詔使采三國異同以注國志壽書銓序可觀事多審正近世之嘉史然失在於畧時有脫漏臣

萬曆丁亥年



上搜舊聞傍據遺逸頗以愚意有所論辨注引吳

歷隋志有晉環濟吳紀九卷吳左右國史薛瑩

華覈陰澹後魏書梁祚撰并陳壽三國志名曰

國統隋志雜史魏國統二十卷文中子陳壽有志於史依大義

而削異端晁氏志以魏為紀而稱漢吳為傳又改

漢曰蜀世頗譏其失蜀志注引孫盛異同記又引

蜀記孫盛蜀世譜譙周蜀本紀

晉史 晉紀 晉書 晉中興書 十志

列傳王隱父銓有著述之志私錄晉事未就隱受父

業西都舊事多所諳究太興初元帝召為著作郎隱及

其為著令撰晉史晉春秋云王隱著時虞預私撰晉

年國史成八十八卷

書而生長東南不知中朝事數訪於隱并借隱所著書竊寫之隱依庾亮亮供紙筆乃成書請闕上之文辭鄙拙蕪舛不倫其書次第可觀者其父所撰文體混漫者隱之作也

本九十三卷隋志八十六卷春秋正義引王隱晉書

干

寶博覽書記中興草創未建史官中書監王導上疏宜建立國史撰集帝紀宜備史官敕佐著作郎干寶等撰集於是著晉紀自宣迄愍五十三年凡二十卷奏

之其書簡直而婉稱良史

隋志二十三卷劉彤注四十一卷

虞預著

晉書四十四卷

隋志二十六卷卷訖明帝

會稽典錄二十篇諸虞

傳十二篇行於世

謝沈有史才康帝時爲著作撰

晉書三十餘卷。沈先著後漢書百卷。及漢書外傳。

郗紹作晉中興書。何法盛竊之。凡七十八卷。起東晉

徐廣領著作。敕撰成國史。

廣舉荀伯子王韶之為佐郎同撰晉史。

義

熙初。

十一年

成晉紀四十六卷。上之。

隋志四十五卷。

鄧粲著。

元明紀十篇。

隋志十一卷。龍鄧粲晉紀始立條例。

文心雕

荀綽撰晉後

書十五篇。

隋志。綽晉後略記五卷。

東晉武帝時佐著作郎。撰

晉書帝紀十志。

著晉書紀志。

南史裴松之著晉紀。

謝靈運為秘書監。撰晉書。粗立條流。

沈約撰一

百二十卷。條流雖舉。采掇未周。

失第五秩。

齊臧榮

緒括東西晉為一書。紀錄志傳百一十卷。

後魏書

崔浩以晉書諸家多誤著晉後書未就傳世者五十餘卷

元帝建武元年十一月丁卯置史官

### 晉史十八家

隋志晉書有王隱八十六卷 虞預二十三卷 朱鳳十

卷 本十四卷 訖元帝 謝靈運三十六卷 臧榮緒一百

十卷 蕭子雲十一卷 本一百二卷 梁有鄭忠七卷

亡又蕭子顯晉史草三十卷 梁張緝中興書有何法

盛七十八卷 晉紀有陸機四卷 于寶二十三卷 曹嘉

之十卷 鄧粲十一卷 宋劉謙之二十五卷 南史云二

十卷

王韶之

十卷

徐廣

四十五卷

郭季產續

五卷

陽

秋有習鑿齒孫盛檀道鸞之書

卷見上

又有荀綽晉

後畧記五卷

唐志又有  
晉錄五卷

貞觀二十年閏三月詔曰十有八家雖存記注才非  
良史書虧實錄榮緒煩而寡要行思勞而少功叔寧  
味同畫餅子雲學堙涸流處叔不預於中興法盛莫  
通於創業洎乎千陸曹鄧畧紀帝王鸞盛廣松纚編  
載祀其文旣野其事罕有

唐御撰晉書

志房立齡褚遂良許敬宗來濟陸元仕劉子翼令狐

德蔡李延壽等二十一人修名爲御撰一百二十卷  
會要正觀二十年閏三月四日詔宜令修纂所更  
撰晉書銓次舊聞裁成義類如修五代史故事於是  
司空房玄齡中書令褚遂良太子左庶子許敬宗掌  
其事來濟陸元佐劉翼李淳風李義府薛元超上官  
儀崔行功辛亥馭劉胤之楊仁卿李延壽張文恭並  
分功撰錄令狐德棻敬播李安儀李懷儼詳其條例  
以減榮緒晉書爲本爲十紀十志七十列傳三十載  
記其太宗所著宣武二帝及陸機王羲之四論稱制  
旨焉房玄齡已下稱史臣凡起例皆播獨創其以書

賜皇太子及新羅使者各一部

案修史事志有二十一人會要止有二十

人無趙

智名

列傳令狐德棻會修晉史房玄齡奏起之

預東十有八人德棻爲先進類例多所諏定三敬播

撰晉書大抵凡列皆播所創書目太宗以晉史何

法盛等十八家制作雖多未能盡善

於是敕史官更加纂錄採正典

與舊說數十部兼引爲史十六國書爲百三十篇

命來濟李淳風李義府等

十三人分掌著述令狐德棻敬播等四人考正類例

凡例多出敬播天文律歷則李淳風爲之惟宣武紀

陸王傳論太宗自爲之故總題曰御撰云當時修史

者多文辭之士好采詭異以廣聞見學者譏之天

寶六載何超撰音義三卷 唐志又有徐堅晉書一百十卷又開元二十年高希嶠上注晉書一百三十卷

宋書 宋略

唐志沈約宋書一百卷王智深三十卷又宋紀三十

卷裴子野宋略二十卷鮑衡卿王琰宋春秋各二十

卷 隋志宋書徐爰孫嚴撰皆六十五卷梁有宋文

明中所撰六十一卷沈約撰齊紀二十卷 梁沈約

傳齊建元四年敕撰國史永明二年兼著作撰次起

居注五年春敕撰宋書六年二月畢上之 史通宋



史元嘉中著作郎何承天草創紀傳

一本云止於武帝功臣其志唯

天文律歷

自此外委山謙之又命裴松之續成國史尋卒

孫冲之表求別自創立爲一家之言孝建初蘇寶生

續造諸傳元嘉名臣皆其所撰大明六年徐爰踵成

前作

起義熙初訖大明末

其臧質魯爽王僧達諸傳又皆孝武

所造沈約本承天舊書兼採謙之冲之寶生徐爰諸

說

一本云約是製新史

始自義熙終于昇平三年爲紀十志三

十列傳六十合百卷

唐志卷同未殘缺

今本到彥之傳卷乃兼載魏晉論者

以爲失於限斷

元嘉十六年承天攝國史其志十五篇

永明末裴子野

松之刪曾孫刪

爲宋畧二十卷叙事評論多善約見而嘆曰吾所不

遠也。世言宋史者以其各爲上。沈書次之。

中曲書  
月卷同

齊書

齊典

齊春秋

齊紀

十志

唐志蕭子顯齊書六十卷

書目今存五十九卷初

江淹著十志沈約著齊紀二十卷子顯表於梁武別

爲此書紀八志十一列傳四十

合五十九篇

天文志但紀

災祥州郡不著戶口祥瑞多載圖識表言素不知戶

口且天文復秘不私載焉曾鞏序謂子顯之文喜自

馳騁其更改破析藻績之變尤多吳均亦表請撰齊

史遂撰齊春秋三十篇

唐志

南史熊襄著齊典上

起十代其序云尚書光典謂之虞書則附所述通謂

之齊書名爲河洛金匱

隋志齊典五卷王逸撰梁

有江淹齊史十三卷

齊建元二年初置史官以檀超江淹掌史職上表立

條例又著十志

淹言修史之難無出於志

梁書 梁典

唐志姚思廉梁書五十六卷

紀六列傳五十

隋志

梁典三十卷劉璠撰三十卷何之元撰

唐志有謝昊三十九卷

姚思廉傳父察在隋修梁陳二史未就採謝昊顧

野王等諸家推究總括爲梁陳二家史以卒父業賜

雜綵五百段

陳顧野王撰國史陳書紀傳二百卷

史通梁武帝時周

興嗣鮑衡卿謝昊

昊四十九卷本百卷

撰錄已百篇後亡逸何

之元劉璠合撰梁典三十篇

之元著梁典起齊永元元年迄于王琳遇獲七

十五年行事爲三十卷

姚察梁書

云云

### 陳書

唐志姚思廉陳書三十六卷

紀六列傳五十魏徵等

同撰

史通陳史初有顧野王傳緯大建初陸瓊續

撰

陸瓊陳書四十二卷

姚察刪改察有志修梁陳二史至貞觀

初

三其子思廉爲著作佐郎續成之

魏徵唯裁其總論

陳書歷三世傳父子數十歲而後成嘉祐六年八月

校讎八年七月始校定

後魏書 魏典

北齊天保二年詔魏收撰魏史勒成十一紀九十二  
列傳合一百一十卷五年三月奏上之十一月奏十  
志天象地形至官氏釋老凡二十卷合一百三十卷  
分爲十二表隋以魏收所撰書褒貶失實平繪爲中  
興書事不倫序詔魏澹別成魏史爲十二紀七十八  
列傳史論及例各一卷合九十二卷 書目今收書

紀闕二卷傳闕二十二卷不全者三卷志闕二卷補  
以魏澹張太素所作及北史高氏小史修文殿御覽

澹及太素  
書今亡

唐志魏收後魏書一百三十卷魏澹

百七卷張太素一百卷裴安時元魏書三十卷

**唐**

**舊史**

張太素撰後魏書一百卷天文志未成一行續

成之

志又有張太素魏書百卷

**隋志**

魏彥深撰一百卷

**唐元**

行冲傳

以系出拓拔恨史無編年乃撰魏典三十篇

事詳文約學者尚之

會要景龍三年十二月

**志雜**

史類魏典三十卷

北齊書

**唐志**

李百藥五十卷

紀八列傳四十二

後周書

**唐志**

令狐德棻五十卷

紀八傳四十二

隋書

唐志隋書八十五卷志三十卷紀傳五十五卷顏師

古孔穎達于志寧李淳風韋安化李延壽與令狐德

蔡敬播趙弘智魏徵等撰會要顯慶四年二月司

更大夫呂才著隋紀二十卷

唐五家史

梁

周

陳

齊

五代史志

令狐德蔡傳武德初為秘書丞會要武德四年十一月起居舍人德蔡言

建言近代無正史梁陳齊文籍猶可據至周隋事多

捐脫今耳目尚相及史有所憑一易世事皆汨暗無

所掇拾陛下受禪于隋隋承周二祖功業多在周今

不論次各爲一王史則先烈世庸不光明後無傳焉

帝喟然於是

五年十二月二十六日

詔中書令蕭瑀王敬業殷

聞禮主魏封德彝顏師古主隋崔善爲孔紹安蕭德言主梁裴矩祖孝孫魏徵主齊竇璡歐陽詢姚思廉主陳陳叔達庾檢及德棻主周由魏迄隋振整論撰

歷年不能就罷之貞觀三年復詔撰定

議者以魏有魏收魏澹二

家已詳惟五家史當立

會要三

德棻更與秘書郎

岑文本殿中崔仁師次周中書舍人李百藥次齊著

作郎姚思廉次梁陳祕書監魏徵次隋左僕射房玄

齡總監修撰之原自德棻發之書成賜絹四百匹遷



禮部侍郎 會要貞觀十年正月二十日壬子尚書

左僕射房玄齡等撰成周梁陳齊隋五史上之進階

頒賜有差顯慶元年五月四日已卯史官修梁齊陳

周隋五代志三十卷始禮儀終經籍太尉無忌進之正觀十年詔

子志寧李淳風李延壽同修五代史志勒成十志三十卷後編入隋書合八十五卷史通十志三十卷

雖編入隋書其實別行呼為五代史孫思邈傳魏徵等修齊梁周

隋等五家史屢咨所遺其傳最詳 志又有吳兢齊

史十卷梁史十卷陳史五卷周史十卷隋史二十卷

張大素北齊書二十卷隋書三十二卷雜史有張絢

古五代新記二卷 舊史貞觀十年春正月壬子左

元齡侍中魏徵上梁陳齊周隋五代史詔藏  
閣吳兢以五代史繁雜乃別撰梁齊周史各十  
卷又五卷隋史二十卷又傷踈畧

文中子繁師

元將著北齊錄子曰無苟作也

晁氏志嘉祐中以

宋齊梁陳魏北齊周書外繆亡缺始命館職讎校曾  
鞏等請詔藏書之家悉上異本久之始集治平中鞏  
校定南齊梁陳三書上之劉恕等上後魏書王安國  
上周書政和中始皆畢頒之學官

### 唐南北史

李延壽傳父大師多識前世舊事常以宋齊梁陳魏

周隋天下參隔南謂北爲索虜北指南爲島夷其史本國詳他國畧訾美失傳思所以改正擬春秋編年刊究南北事未成而沒延壽既預論撰所見益廣表云

貞觀以來乃追修先志本魏登國元年盡隋義寧二

年

北二百年十四年

作本紀十二列傳八十八謂之北史本

宋末初元年盡陳禎明三年

北七十年

作本紀十列傳

七十謂之南史其書頗有條理刪落釀辭過本書遠

甚

凡八代合爲二書一百八十一卷始末修撰凡十六載

志李延壽南史八十

卷北史一百卷會要顯慶四年符璽郎李延壽撰

近代諸史南起自宋終於陳北始自魏卒於隋合

百八十篇號曰南北史上自製序

唐七十家正史

志乙部史錄十三類一曰正史類七十家九十部四千八十五卷失姓名二家始於司馬遷史記終於隋書志

有集史總七十三家六十九部見後

司馬氏

史記有裴駟徐廣鄒誕生許子儒劉伯莊之音解班氏漢書有服虔應劭諸葛亮孟康晉灼韋昭崔浩孔文祥劉嗣夏侯泳包愷蕭詒陰景倫項岱劉寶陸澄韋稜姚察顏游秦僧務靜李善顧胤顏師古之音注論駮及高宗之銓定失姓名正名氏義英華二家東

漢則有劉珍謝承薛瑩司馬彪劉義慶華嶠謝沈袁  
山松范曄張瑩之書劉昭劉熙蕭該劉芳臧兢太子  
賢帝機之補注音義三國有王沉陳壽常昭晉有王  
隱庾預朱鳳謝靈運戚榮緒干寶蕭子雲何法盛及  
房玄齡等所修宋有徐爰孫嚴沈約王智深齊梁陳  
有蕭子顯劉陟謝昊姚察顧野王傅縡姚思廉元魏  
北齊周隋有魏收魏澹李德林王劭張大素李百藥  
令狐德棻顏師古等不著錄者王元感至裴安時二  
十三家一千七百九十卷史記之學則有王元感徐  
堅李鎮陳伯宣韓琬司馬禎劉伯莊張守節竇群裴

安時漢書之學則劉伯莊敬播元懷景妣珽沈遵李善晉書音注則徐堅高希嶠何超及齊梁陳周隋之史武德貞觀兩朝史吳兢等唐書國史至裴安時元魏書終焉

**隋志**

正史六十七部三千八十三卷通

亡書合八十部四千三十卷

雜史類既孝緒撰正史削繁九十四卷

古

者天子諸侯有國史以紀言行春秋引周志鄭書漢始置太史公自是世有著述皆擬班馬以爲正史作者尤廣一代之史至數十家唯史漢師法相傳並有解釋三國後漢亦有音注

**中興書目**三十二家二千一百二十九卷

**續目**

三家七十一卷

崇文目

三十部一千一百六十二卷 景德二年龍圖閣書

正史一千四百四十九卷

唐承天命世以文理典籍之盛莫若開元竹簡漆書咸萃秘府鴻生鉅學纂續志錄書分四類其二曰史史分十三類其一曰正史繇漢迄隋有彪列藝文有志具詳登載爲部九十爲卷四千八十五總爲七十家失名氏者二家遺文古事靡不畢集觀書於太史氏上下數千載之述作粲然可考庸撮其要指序于篇端曰史與經同出而異名若昔四史昉于黃序五史建於蒼籙右言左動官宿其業言爲尚書紀謨

訓而舉其綱事爲春秋繫日月而詳其目紀傳猶未分也邦國之志掌于小史百十二國寶書藏于周室私史猶未作也自鄭書晉乘魯史秦記而國各有史如南董左氏之流史猶出於一家也逮漢六葉有臣曰遷罔羅舊聞終篇麟止而編年之體始變班劉而下波沿景附猶未有正史之名也貴耳賤目見聞異辭而史始雜餘分閏位記注並作而史始爲礪玉錯陳朱紫易混繇是條分科別粹然一出於正者編爲正史隋志所錄六十七部三千八十三卷一代史籍至數十家而紀載益詳史漢訓詁師法相傳而義例



益明或書事記言於當時而勒成刪定於後代大策  
小牘支蕃葉滋溫故知新聳善抑惡皆足以昭法式  
垂勸戒豈誇多而愛奇哉有唐肇基襲經補藝五代  
史成於正觀之十禩兩朝史成於顯慶之初元然乙  
部著錄尚仍隋舊籤牒紛糾寢失緒次號登開元名  
儒建議乾元麗正博彙群書臣述臣欽分部治史越  
九年仲冬丙辰臣行冲奏上四錄卷析二百臣照刪  
爲四十卷凡史錄五百七十一家八百五十七部一  
萬六千八百七十四卷曰編年曰僞史雜史曰起居  
注故事曰職官傳記儀注曰刑罰目錄譜牒地理而

正史居其首卽篇目考之史記本於司馬氏而裴徐  
鄒許劉之音解列焉漢書本於班氏而服應孟晉崔  
孔諸葛夏侯包蕭陰項陸姚李顧二帝二劉二顏務  
靜之音注論駁及高宗銓定名氏英華附焉東漢始  
於劉珍之記二謝薛司馬劉華袁范張譔其書三劉  
蕭臧及太子賢帝機釋其義以至王沈陳壽帝昭纂  
三國之事隱預鳳靈迎榮緒寶子雲法盛元齡輯二  
晉之史宋齊梁陳則徐孫沈王蕭劉謝顧傅二姚續  
汗青之緒元魏北齊周隋則二魏王張二李令狐顏  
氏擅載筆之美縹囊碧軸淵聚林崒治亂興替之鑒

是非褒貶之論袞斧於既往著蔡於將來天球河圖  
金匱玉版成一王法爲萬世則緯經綴道囊括古今  
茲七十家之醇駁雖殊而廣記備言不可以闕遺也  
或者猶曰史之失自遷固始夫敘一時之事編年爲  
善敘一人之事紀傳爲優旨哉皇甫湜之言曰合聖  
人之經以心不以迹得良史之體在適不在同吾有  
取焉緬稽唐朝簡冊尤備倣四繫之灋則有唐曆春  
秋總二史之載則有起居注實錄書政事議論之詳  
則有日曆時政記會要肇於正元玉牒翔於開成惟  
紀表志傳爲一代鉅典冠冕史錄其以是與按六典

卷部與隋志同藝文志正史之末附以通史南北史之屬五家六部一千二百二十二卷謂之集史諸儒立言日新月益不著錄之書若王元感之下徐李陳韓司馬劉張竇裴皆史記之學也劉伯莊之下敬元姚沈李徐高何皆漢晉書之學也繼以武德正觀兩朝史齊梁陳周隋史唐書國史終於裴安時元魏書凡二十三家爲卷一千七百九十皇朝崇文總目三十部二千一百六十二卷云

擬序

唐武德貞觀兩朝史

志八十卷長孫無忌令孤德棻顧胤等撰 會要顯

三海卷四十一  
四百四十六  
慶元年七月三日無忌于志寧崔敦禮令狐德棻李  
義府劉胤之楊仁卿李延壽張文恭修國史成起義  
寧盡貞觀末凡八十一卷藏於內府 通監咸亨四  
年三月丙申詔劉仁軌等改修國史以許敬宗等所  
記多不實故也 會要長安三年正月一日敕李嶠  
等修唐史采四方之志成一家之言

唐武德以來國史 唐史 唐國史

唐書備 闕記

常述傳初令狐德棻吳兢等撰武德以來國史皆不  
能成述因二家參以後事遂分紀傳又爲例一篇

開元

三十九年蕭嵩欲蚤就復去起居舍人賈登著作佐郎

李銳助述紬績逮成文約事詳蕭穎士以為譙周陳

壽之流改國子司業充集賢直學士述典圖書踰四十

年任史官二十年史才博識所著書二百餘篇行於

時柳芳傳肅宗詔芳與述綴輯吳兢所次國史述

亡芳緒成之興高祖訖乾元凡百三十篇叙天寶後

事存取不倫史官病之舊史云芳勤成國史一百三十卷吳兢傳

景龍間任史事私撰唐書唐春秋未就至開元中丐

官筆札異得成書詔就集賢院論次時張說在家修

史大臣奏國史不容在外詔就赴館撰錄久之荊州

司馬以史草自隨蕭嵩領國史奏遣使者就兢取書

得六十餘篇

舊史云奏取統所撰國史得六十五卷

既濟請合中諒

會要吳

志唐書一百卷又百

卷

二十卷吳兢韋述柳芳于休烈等撰國史百六卷又

百十三卷雜史吳兢唐書備關記十卷

書月卷同集

睿元宗五朝政事

按藝文志唐書百卷又百三十

卷國史百六卷又百十三卷吳兢傳撰唐書唐春秋

未就詔就集賢院論次柳芳傳亦曰芳緒成國史興

高祖託乾元凡百三十篇舊傳韋述補遺續關勅成

百十三卷蓋兢書百卷而芳所著百三十卷述書百十

三卷云 舊史德棻兢累有修撰未成一家言帝述始定類例補遺續闕勒成國史一百十三卷并史例一卷事簡記詳有良史之才 集賢注記史館舊有

令狐德棻所撰國史及唐書皆爲紀傳之體令狐斷至貞觀牛鳳及迄于未淳及吳長垣在史職又別撰唐書一百一十卷下至開元之初帝述綴緝二部益以垂拱後事別欲勒成紀傳之書蕭令嵩欲早就奏

賈登李銳大常博士褚思光助之又奏陸善經梁令瓚入院歲餘不就張始興爲相薦起居舍人李融專司其事諫議尹愔入館爲史官未施功而罷

詳見續春秋



又見  
史館

史通長壽中春官侍郎牛鳳及斷自武德終  
于弘道撰爲唐書百有十卷發言怪誕敘事參差既  
而悉焚姚思廉許敬宗諸本欲使其書獨行由是皇  
家舊事殘缺盡矣

舊史于休烈奏國史一百六卷開元實錄四十七卷  
起居注并餘書三千六百八十二卷並在興慶宮史  
館以家藏國史一百十三卷送於官

志目錄類唐

書敘例目錄一卷孫玉汝列聖實錄日二十五卷

張說曰高宗朝修史學士有十九人 李翱曰唐有  
天下聖明繼於周漢而史官敘事曾不如范曄陳壽

所爲

唐在外修史

會要開元八年十二月二十日詔張說修國史仍齋

史本就并州隨軍修撰

雖致仕一歲亦修史於家

十四年七月六

日敕吳兢就集賢院修唐書二十五年六月二十六

日詔左丞相張說在家修史李元紘奏就史館從之

長慶三年六月監脩國史社元穎奏班固居鄉里而

繼成漢書陳壽處私家而專精國志玄宗國史張說

在本鎮兼修代宗編年令狐暉自外郡奏上其沈傳

師分修憲宗實錄就湖南修畢先送史館制可

史通曰班

固成書出自家庭陳壽爲志創於私室

宋朝宋祁就亳州修唐書

皇祐三年三月乙卯

汪藻卽湖州領

日曆

紹興初

唐書 嘉祐新唐書

中興書目五代晉宰相劉昫史官張昭遠等撰唐三百年間國史野錄參錯不一至昫刪集爲紀二十志五十列傳一百五十凡二百卷

開運二年六月上計

二十秩

國史志慶曆五年

五月四日巳未

詔上堯

臣張方平宋祁等刊修

慶曆四年賈昌朝建議議修唐書

久而未就至

和初

至和元年八月戊申

乃命歐陽脩撰紀表志宋祁撰列傳

范鎮王疇宋敏求呂夏卿劉義叟同編修

嘉祐三年十月庚子

命參政曾公亮提點編修唐書

凡十有七年至嘉祐五年而成提舉

曾公亮上之

七月戊戌二本云六月二十四日進呈

紀十志五十表十

五列傳百五十凡廢舊傳六十一增新傳三百三十

一又增三志四表凡二百二十五卷錄一卷

舊史凡一百九

十萬字

新史凡一百七十五萬九百三十字制詞調閱富精覈度越諸子

脩等進秩庚子

宣和中進士李繪以舊書參新書而爲之注崇寧五

年董衡爲釋音二十五卷吳縝糾繆二十卷

宋祁

傳修唐書十餘年

皇祐元年刊修

自出亳州皆以藁自隨撰

列傳一百五十卷

進唐書表曆有天下幾三百年

其君臣行事之始終所以治亂興衰之迹與其典章制度之英宜其粲然著在簡冊而紀次無法詳畧失中文采不明事實零落蓋百有五十年然後得以發揮幽昧補緝闕亡黜正僞謬克備一家之史其事則增於前其文則省於舊至於名篇著目有革有因立傳紀實或增或損義類凡例具載別錄晁氏志劉照因常述舊史增損以成繁畧不均多所漏闕又是非失實嘉祐中歐陽修宋祁撰新書議者頗謂永叔學春秋每務褒貶子京通小學唯刻意文章采雜說既多有失實之歎

樊先生注新書紀十卷

呂夏卿唐書直筆新例一卷

五代史 五代史記

中興書目一百五十卷薛居正等撰 開寶六年四

月二十五日戊申詔梁後唐晉漢周五代史宜令參

政薛居正監脩盧多遜扈蒙張澹李穆李昉等同修

七年閏十月甲子書成凡百五十卷目錄二卷賜器

帛有差其事凡記十四帝五十三年爲紀六十一志

十二傳七十七

其書取建康實錄爲準胡旦以爲褒貶失實

書目又七

十四卷歐陽修撰徐無黨注紀十二傳四十五考三

世家及年譜十四夷附錄三總七十四卷脩沒後

熙寧

五年八月

詔其家上之

十年五月庚申詔藏秘閣

吳縝纂誤三卷

天聖五年二月丙申楊及上重修五代史上謂輔臣曰五代事不足法王曾曰安危之迹亦可監也

### 淳化太祖紀

雍熙四年九月直史館胡旦請修紀表志傳詔以史館西廊置修史院淳化五年十月丙午翰林學士張洎等上重修太祖紀十卷以朱墨雜書凡躬承聖問及史官採摭之事卽朱以別之先是淳化五年四月癸未以李至張洎張泌范果同修國史咸平元年八月壬戌修國史內翰宋白上言請與學士宋湜祕

閣校理吳淑等同就祕閣編錄太祖國朝史從之其  
俊白等又請錢若水同修詔可

魏太和以史職隸中書唐正觀移史館於門下我朝  
因之率以台鉉典領

### 景德太祖太宗兩朝史

景德四年八月丁巳

二十日

詔修太祖太宗正史令宰

臣王旦監脩國史以知樞密院王欽若陳堯叟參政  
趙安仁並脩國史翰林晁迥楊億同修直史館路振  
崔遵度爲編脩官先是九月辛卯賜宴脩史院三年  
二月辛巳詔知制誥朱巽直史館張復同編排兩朝



日曆時政記起居注行狀諸司文字委欽若總領初  
成紀一卷帝取觀錄紀中十二餘條付史官改正自  
此每一二卷皆先進草本多所改易祥符四年又取  
夏竦爲編脩官八年十月己丑旦等上太祖太宗紀  
贊論各一首九年二月十二日丁亥史成旦率史官  
請崇政殿以獻凡百二十卷目錄一卷帝紀六太祖  
太宗各三志五十五天文三地理七律歷三禮四五  
行二藝文七樂三職官九河渠二選舉三輿服三食  
貨六兵三刑法二列傳五十九后妃一宗室一臣僚  
四三八四夷九優詔荅之戊子加旦守司徒修史言

趙安仁晁迥陳彭年夏竦崔遵度竝進秩賜物王欽若陳堯叟楊億嘗預修亦賜之

第賜器幣襲衣金帶命宴于脩國史院

天聖三朝國史

三朝政範

三朝聖政

見後

祥符九年監修國史王旦上太祖太宗兩朝國史其修真宗實錄未爲紀傳天聖五年二月癸酉仁宗詔曰先朝正史久而未修年祀寔遠事成淪墜宜令參政呂夷簡副樞密夏竦修國史宋綬劉筠陳堯佐同修仍命宰臣王曾監修又命館閣王舉正李淑黃鑑謝絳爲編修復命馮元同修初於宣徽院編纂後移中書命三司檢討食貨事件三館供借書籍擇司天

官編綴天文律歷志帝紀贊論呂夷簡奉詔撰紀卽  
夷簡夏竦修撰餘皆同編脩分功撰錄六年八月詔  
別修志傳委綬看詳其帝紀專委夷簡竦八年六月  
十一日癸巳夷簡等曾率夷簡上詣崇政殿上進賜宴遷

官賜衣帶器幣先是太祖太宗紀六志五十五傳五  
十九目錄一凡百二十卷至是修真宗史成增紀爲  
十志爲六十傳爲八十總百五十卷此所謂三朝國  
史也凡紀十卷志增道釋符瑞爲六十卷列傳八十卷總一百五十卷甲午夏竦等

遷官各賜襲衣犀帶器幣有差監脩而下進秩而  
夷簡辭之

熙寧修仁宗英宗兩朝正史

熙寧十年五月戊午詔修仁宗英宗兩朝正史以宰  
臣吳充提舉龍圖閣直學士史館修撰宋敏求編集  
賢院學士蘇頌同集賢校理王存黃履林希同爲編  
修官七月辛未率官屬以二帝紀草二冊進呈上服  
靴袍御資政殿學士內侍進案充與敏求進讀上立  
而覽之顧問反覆至讀畢始坐充等降階以謝又命  
坐賜茶

元豐兩朝正史

熙寧十年丁巳五月戊午命官修兩朝正史元豐五

年六月甲寅修成一百二十卷紀五卷志四十五卷

天文至河渠

傳七十卷

比之實錄事迹頗多但非尋準而是丁謂託之神宗諱旨

上御垂拱殿引監修國史王珪修史官蒲宗孟李清臣王存趙彥若曾肇進讀紀賜珪宗孟銀絹對衣金帶清臣等遷官及與脩史官蘇頌黃履林希蔡卞劉奉世以他職罷去各賜銀絹有差故相吳充故史館脩撰宋敏求賜銀絹七月丁未以史成燕垂拱殿

燕脩

史官

三朝史天聖五年二月修至八年六月成凡歷四年

兩朝史熙寧十年五月戊午修至元豐四年六月

成凡歷五年

元豐脩五朝史

四年七月二十四日己酉詔直龍圖閣曾鞏素以史學見稱士類見脩兩朝國史將畢當與三朝史通修成書是年十一月廢編脩院入史館宜以鞏充史館脩撰專典史事十一月鞏上太祖總論不稱上意五年四月遂罷修

五朝史

紹興七朝史

九年正月丙申十五王銍上元祐八年補錄及七朝

國史遷一秩銍以建隆至元符信史屢更書多重複

乃以七朝國史自紀志傳外益以宰執宗室世表公卿百官年表然所修不克成

紹興修三朝史

神哲徽

二十八年八月戊子朔置國史院修三朝正史一云七月  
丙子置國史院三十一年提舉陳康伯奏乞進呈帝紀三十卷至乾道二年閏九月二十九日巳巳上與太上皇帝聖政同進呈奉安于顯謨閣

淳熙修四朝史

淳熙五年四月禮部侍郎同修史李壽言今修四朝正史開院已十七年自開院至成書凡二十有八年乞降睿旨責以

近限庶幾大典早獲備具詔限一年至七年十二月

十二日國史院上四朝正史志一百八十卷

地理一志全出

李燾之  
多采續手餘

十二年七月同脩史洪邁奏神宗至于

欽宗傳叙相授閱六十五年除紀志已進外當立傳者千三百人其間妃嬪親王公主宗室幾當其半乞

效前代諸史體例分類載述不必人爲一傳至十三

年十一月二十日上國史列傳一百三十五卷

宣仁  
聖傳

首目錄二卷初乾道二年胡元質言三朝之史開院

纂輯累年于茲竊見靖康繼宣和之後以功緒本末

則相關以歲月久近則相繼伏望併修欽宗帝紀繳



進名爲四朝國史四年三月二十四日詔進呈欽宗實錄并本紀已畢就修纂四朝正史從洪邁之請也十三年八月十九日邁又請通修九朝正史上許之復言制作之事已經先正名臣之手是非褒貶皆有据依乞命史官無或刪改書未就而邁去國

初元祐七年七月十二日詔范祖禹趙彥若修神宗正史呂大防提舉八年三月二十二日巳亥進紀草元符元年四月進帝紀二冊崇寧三年書成八月三日進大觀四年四月二十九日命鄭久中等脩

哲宗正史政和二年四月三日帝紀成四年五月二

十二日進哲宗正史帝紀表志傳目錄總二百十卷

淳熙東都事畧

淳熙十三年八月二十六日知龍州王稱上東都事

畧百十三卷

紀十二世家五列傳百五附錄八

明年春三月除直秘

閣其書特掇取五朝史傳及四朝實錄附傳而微以野史附益之

淳祐四朝史

淳祐二年二月進紀十一年命史官分撰志傳編修官王撝撰輿服志四卷寶祐二年八月二十三日癸巳進志傳五年閏四月四日修潤上之

宋朝蘇氏古史 劉義叟十三代史志

書目六十卷蘇轍作因司馬遷史記上觀詩書下考  
春秋及秦漢雜錄起伏義神農訖秦始皇帝爲七本  
紀十六世家三十七列傳謂之古史紹聖二年三月  
成子遜爲注其去取之意 劉義叟著十三代史志  
劉氏輯歷春秋災異南北史韻目

古者無國無史史未嘗一日無書漢法大史公位丞  
相上唐及本朝宰相兼史官其重如此故書榻前議  
論之辭則有時政記錄柱下見聞之實則有起居注

類而次之謂之日曆修而成之謂之實錄所以廣記  
備言垂一代之典也韓宣子見易象魯春秋而知周  
公之德則守文者不可無史蕭何收秦圖書而知天  
下阨塞戶口彊弱則創業者不可無史江淹有言  
修史之難無出於志司馬遷曰書班固曰志蔡邕曰  
意華嶠曰典張勃曰錄何法盛曰說餘史並謂之志  
古所謂良史者明周萬事之理道適天下之用智  
足以通難知之德文足以發難顯之情司馬談之  
子遷劉向之子歆班彪之子固王銓之子隱姚察之  
子簡李大師之子延壽劉知幾之子餗繼世汗簡

非遷固之博聞不足以網羅放失非南董之遺直不足以裁正是非 通倚相丘索之書專羊肸春秋之學 光武注記定於永平神堯實錄上於正觀 采四方之志成一家之言 業鉅事叢簡策挈繁 蕭斧衮章一言褒貶芸籤縹泰百世勸懲 綜覈班紀發揮蒼籀 鉤深學海囊括詞林 玉琰其版金滕其匱 四皇墳六帝典

在漢之初史職爲盛郡國文計先集太史之府欲其詳悉於體國也必閱石室啓金匱抽裂帛檢殘竹欲其博練於稽古也是立義選言宜依經以樹則勸戒

與奪必附聖以居宗然後銓評昭整苛濫不作矣然紀傳爲式編年綴事文非汎論按實而書歲遠則同異難密事積則起訖易疎斯固總會之爲難也或有同歸一事而數人分功兩記則失於複重偏舉則病於不周此又銓配之未易也俗皆愛奇莫顧實理傳聞而欲偉其事錄遠而欲詳其跡於是弃同卽異穿鑿傍說舊史所無我書則博此訛濫之本源而述遠之巨蠹也



玉海卷第四十七

浚儀王應麟伯厚甫

藝文

雜史

古者史官其書有法大事書之策小事簡牘至於風俗之舊耆老所傳遺言逸迹史不及書則傳記之說或有取焉然自六經之文諸家異學說或不同況乎幽人處士聞見各異或詳一時之所得或發史官之所諱參求考質可以備多聞焉

漢志



前歷志

見三統歷

漢洞曆 吳洞紀

論衡會稽周長生文士之雄也作洞曆十卷上自黃帝下至漢朝鋒芒毛髮之事莫不紀載與太史公表紀相似類也上通下達故曰洞曆長生非徒文人所謂鴻儒也

趙奇篇

吳志韋昭傳世間有古歷注其

所紀載既多虛無在書籍者亦復錯謬因尋按傳記考合異同采摭耳目所及以作洞紀起自庖犧至於

秦漢凡爲三卷

當起黃武以來別作一卷事尚未成

唐志韋昭洞紀

四卷周植洞曆記九卷

莊子音義引洞紀

雜史吳曆六卷

隋志韋昭洞紀記包義以來至漢建安二十七年滅  
榮緒續一卷 南史庾詵撰帝歷二十卷

漢劉向戰國策

漢志春秋家戰國策三十三篇記春秋後 隋志雜

史三十四卷劉向錄二十一卷高誘注漢初得之蓋

戰國游士記其策謀 唐志三十二卷高誘注延篤

論一卷 司馬遷傳采戰國策史記所采之事九十三 索隱

高誘云六國時縱橫之說也一日短長書亦曰國事

劉向撰爲三十三篇名曰戰國策非遷時已名 劉

向校書錄敘所校中戰國策書莒又有國別者八篇

臣向因國別者畧以時次之分別不以序者以相補除復重得三十三篇中書本號或曰國策或曰國事或曰短長或曰事語或曰長書或曰修書 蜀志季

權從秦宓借戰國策宓曰戰國反覆儀秦之術殺人

自生亡人自存經之所疾 史通其篇有東西三周

秦齊燕楚三晉宋衛中山合十二國 東西周各一秦五齊六楚趙魏

各四韓燕各二 宋朝曾鞏重校序錄曰劉向定二

宋衛中山二 十三篇崇文總目稱十一篇者闕臣訪之士大夫家

始得其書正其誤謬而疑其不可考者然後三十三

篇復完敘曰法者所以適變也不必盡同道者所以

立本也。不可不一。此理之不可易者。故孔孟守此。戰國之游士。不知道之可信。而樂於說之。易合。故論詐之便。而諱其敗。言戰之善。而蔽其患。其相率而爲之者。莫不有利焉。而不勝其害也。有得焉。而不勝其失也。

漢應奉漢事

漢書後序

荀爽漢語

應奉傳著漢書後序多所述載注袁山松書曰奉又刪史記漢書及漢記三百六十餘年自漢興至其時凡十七卷名曰漢事子劭著中漢輯序

隋志儒家

梁有後序十二卷後漢司隸校尉應奉撰雜家梁有

洞序九卷錄一卷應奉撰

荀爽傳集漢事成敗可

爲鑒戒者謂之漢語

史記文紀注晉灼引漢語索

隱曰書名荀爽所作

舊唐志

後漢雜事十卷

雜史

### 帝王要

隋志雜史十二卷環濟撰

紀帝王及天官地理

帝王世錄一卷

甄鸞撰帝王諸侯世畧十一卷帝王本紀十卷來與

撰十五代畧十卷古文甫撰

起庖犧至晉

後漢以來學者

多鈔撮舊史自爲一書或起自人皇或斷之近代亦

各其志而體制不經

唐志

賈匪之漢魏晉帝要紀

### 三卷

魏晉世語

隋志雜史十卷晉郭頒撰

魏志注引之唐志作代誌

三國總畧

宋元嘉十四年河西獻周生子十三卷時務論十二卷三國總畧二十卷俗問十一卷十二州志十卷四科傳四卷漢皇德傳二十五卷魏駁九卷古今字二卷至孔子讚一卷合一百五十四卷劉延明以三史文繁著略記百三十篇八十四卷

梁通史

唐志梁武帝通史六百二卷

隋志四百八十卷起

三皇訖梁

**史通**梁武敕其羣臣上自太初下終齊

室爲通史六百二十卷其書自秦以上皆以史記爲本而別採他說以廣異聞至兩漢以還則合錄當時紀傳而上下通達臭味相依又吳蜀二主皆入世家五胡及拓跋氏列於夷狄傳大抵其體皆如史記其異者惟無表而已

**吳均傳**武帝召均使撰通史起

三皇迄齊代均草本紀世家已畢唯列傳未就

顧

野王撰通史要略百卷

左史

**隋志**雜史左史六卷李槩撰

晉書鴻烈

隋志雜史六卷張氏撰

唐十三類史錄

藝文志乙部史錄其類十三一曰正史類二曰編年類三曰僞史類四曰雜史類五曰起居注類六曰故事類七曰職官類八曰雜傳記類九曰儀注類十曰刑法類十一曰目錄類十二曰譜牒類十三曰地利類凡著錄五百七十一家八百五十七部一萬六千八百七十四卷不著錄三百五十八家一萬二千三百二十七卷正史類史記至隋書七十家九十部四



千八十五卷有集史

五家

總七十三家六十九部編

年類紀年至隋後略四十一家四十八部九百四十

七卷僞史類華陽國志至三十國春秋一十七家二

十七部五百四十二卷雜史類古文瑣語至三國典

畧八十八家一百七部一千八百二十八卷起居注

類穆天子傳至唐創業起居注六家三十八部一千

二百七十二卷有實錄

二十八部

詔令

十一部

總七

家七十七部故事類秦漢舊事至南官故事十七家

四十三部四百九十六卷職官類漢官解詁至官卿

舊事十九家二十六部二百六十二卷雜傳記類三

輔決錄至詞林文人傳一百二十五家一百四十六  
部一千六百五十六卷有女訓十七家總一百四十  
七家一百五十一部儀注類漢舊儀至大唐書儀六  
十一家一百部一千四百六十七卷刑法類漢建武  
律令至開元格後勅二十八家六十一部一千四卷  
目錄類劉向七畧別錄至群書四錄十九家二十二  
部四百六卷譜牒類世本至著姓畧記十七家三十  
九部一千六百一十七卷地理類三輔黃圖至劔南  
地圖六十三家一百六部一千七百九十二卷

六典秘書郎乙部爲史其類十有三曰正史以

紀紀傳表志

史記等六十三部三千八十三卷

二曰

古史以紀編年繫事

紀年等四十四部六百六十六卷

三曰雜史以紀異體雜記

周書等七十部九百十七

卷四曰霸史以紀僞朝國史

趙書等二十七部三百

三十五卷

五曰起居注以紀人君動止

穆天子傳等

四十一部一千一百八十九卷

六曰舊事以紀朝廷

政令

漢武故事等二十部四百四卷

七曰職官以紀

班序品秩

漢官解詁等二十部三百三十六卷

八曰

儀注以紀吉凶行事

漢舊儀等五十九部三千二十九卷

九曰刑法以紀律令格式

律令等三十五部七百一

十二卷 十日雜傳以紀先賢人物 三輔決錄等二百

一十七部一千二百八十六卷 十一日地理以紀山

川郡國 山海經等一百三十九部一千四百三十三

卷 十二日譜系以紀氏族繼序 世本等四十一部三

百六十卷 十三日畧錄以紀史策條目 七略等三十

部二百一十四卷 舊志史錄十三家八百四十四

部一萬七千九百四十六卷

唐南北史

見正史 晁氏志雜史

唐集史五家

志凡集史五家六部一千二百二十二卷

高峻以下  
不著錄三

家四百  
四十卷

梁武帝通史六百二卷李延壽南史八十卷

又北史一百卷

二家五部七百八十  
二卷著錄之書也

高峻小史一百

二十卷劉氏洞史二十卷

權

姚康復統史三百卷

### 唐八十八家雜史

志史錄其類十三四曰雜史八十八家一百七部一

千八百二十八卷

古文瑣語至三國典  
畧失姓名入家

不著錄六十

八家八百六十一卷

元行冲魏典  
至大和野史

舊志雜史一百

二部凡二千五百五十九卷

### 史氏流別

史通史氏流別其流十焉一曰偏記二曰小錄三曰  
逸事四曰瑣言五曰郡書六曰家史七曰別傳八曰  
雜記九曰地理十曰都邑簿若陸賈楚漢春秋樂資  
山陽公載記王韶晉安紀姚梁後畧此之謂偏記戴  
逵竹林名士王粲書漢末英雄蕭世誠懷舊志盧子  
洪知己傳此之謂小錄和嶠汲冢紀年葛洪西京雜  
記顧協瑣語卷一謝綽拾遺此之謂逸事劉義慶世說  
卷十裴榮期語林卷十孔思尚語錄楊松玠談藪此所謂  
瑣言陳留耆舊周斐汝南先賢陳壽益部耆舊虞預  
會稽典錄此之謂郡書楊雄家諫商敬世傳孫氏譜

記陸宗系譜此之謂家史劉向列女梁鵠逸民趙來忠臣徐廣孝子此之謂列傳祖台志怪于寶搜神劉義慶幽明劉敬叔異苑此之謂雜記盛弘之荊州記常據華陽國志辛氏三秦羅含湘中此之謂地理潘岳關中陸機洛陽三輔黃圖建康官殿此之謂都邑簿

唐太宗勲史

志雜史吳兢太宗勲史一卷

崇文目同

**書目**劉餗國史

異纂三卷載齊梁以來雜事

唐六代略

志雜史李吉甫三十卷

會要吉甫嘗綴錄東漢魏

晉元魏周隋故事記其成敗損益大端目爲六代略凡三十卷

舊史元和八年二月辛卯宰相吉甫進

唐高氏小史

志一百二十卷高峻初六十卷其子迥鑿益之峻元

和中人

峻以歷代諸史鈔其要子迥分其卷第

書目其書目天地未

分至唐文宗凡十三代分十例

司馬遷史至陳隋書附以唐實錄纂其要

唐統史

志姚康復三百卷

會要大中五年十一月天子詹

事姚康復

舊紀止云姚康

撰統史三百卷上之

獻帝王西統纂十卷



史自開闢至隋末編年纂帝王美政善事詔令可列於時者必載至於時政鹽鐵權鹽和雜賑貸錢陌兵數虛實儲糧用兵利害邊事戎狄無不備載下至釋道皆叙之

唐統載

刑府元龜貞元十三年韓潭進統載三十卷其書採虞夏以來至周隋錄其事跡善於始終者六百六十八人爲立傳

唐大和野史

志雜史公沙仲穆大和野史十卷起大和盡龍紀

會要龍紀中有處士沙仲穆纂野史十卷

唐國史補

志李肇國史補三卷述開元至長慶事林恩補國史

十卷宗文目六卷書目補國史六卷載德宗以後二十三事其條目次第差互

宗文

目高若拙後史補三卷書目同

唐逸史

志小說家高彦休闕史三卷盧子史錄卷下逸史

三卷時人中李隱大唐奇事記十卷雜史類杜信史

略三十卷崇文目雜史唐補紀三卷

唐三國史略

中興書目二十卷唐汾州司戶參軍丘悅撰自元魏分而為東西西魏都關中後周因之東魏都鄴北齊因之梁陳則皆都江左悅之書首標西魏元而紀宇文泰按崇文總目云以關中鄴都江左為三國起西魏終後周而東包東魏北齊南總梁陳凡三十篇今本二十一以下缺舊史丘悅撰三國典略三十卷

魏隋志魏魚豢撰典略八十九卷

唐魚豢撰典略八十九卷

史餘錄

唐載

寶元二年十一月戊子朔尚書刑部郎直隸、貢院王

上六十卷 詔獎論

五代

闕

故名

書目六

十卷王皞芟五代舊史旁採諸家小說做裴松之闕

志附見于注

梅堯臣奏所撰唐載二十六卷多補

正舊史缺謬

唐乘 五代史略

天聖五年十二月二十一日辛卯秘書監致仕胡旦

上唐乘七十卷五代史略四十二卷演聖通論七十

二卷將帥要略五十三卷詔以旦子彤爲監簿景祐

元年七月壬辰又上續演聖論 王禹偁進五代史

闕文一卷凡十七篇 祥符中陶岳撰五代史補五

嘉靖丙辰年

卷百餘條

一本云岳五代補錄  
五卷得一百七事

唐志 五代紀

國史志 雜史 王汾唐志二十一卷 孫仲五代紀七十  
七卷 史抄類 賈昌朝通紀八十卷

五代開皇紀

天禧五年五月己丑太常博士鄭向字公明表進五代

開皇紀書目作記三十卷起梁訖周約八十萬言表言唐

明宗祈天願早生聖人是五代閏紫實開皇朝也目

曰開皇 崇文目編年類五代亂亡史冊多漏失向

擬拾遺事頗有補焉

宋朝十史類要

十卷皇朝李安上自戰國迄五代摭其雜事以門類  
分次

景祐兩漢類記

四年二月辛亥都官郎中任弁上所著兩漢類記

治平唐宋遺史

書目唐宋遺史四卷治平四年詹玠撰唐機要三十  
卷劉直方撰唐書冗者刪闕者補重編史雋三十卷  
蓋君平撰初唐鄭曄著史雋十卷君平惜其漏畧廣  
為三十卷

治平十國志

真宗時知制誥路振采五代僭偽吳楊行密唐李昇

前蜀王建後蜀孟知祥南漢劉隱北漢劉崇閩王潮

楚馬殷吳越錢鏐九國君臣行事撰九國志以擬崔

國春為世家列傳四十九卷振字子發其孫倫又增

高氏季興為十國志治平元年六月辛酉七日綸上

之詔付史館九國志五十卷增荆南高氏實十國張

唐英補為北楚書二卷合五十一卷唐英蜀檇杙十

卷云外史檇杙路振書未路振祥符初使契丹

撰乘輅錄一卷以獻

開寶中詔湯悅徐鉉撰江南錄十卷陳彭年別錄四卷太平興國五年八月甲戌以孟瑜爲同始主簿瑜長沙人嘗著野史三十卷石熙載言於上而有是命錢儼吳越備史十五卷備史遺事五卷

紹興通志 二十畧

紹興二十八年二月乙巳鄭樵召到授迪功郎其所著通志令有司給札寫進通志二百卷樵以歷代史冊及采他書上自三皇下迄隋代通爲一書倣遷固體爲本紀列傳而改表爲譜改志爲略鄭樵通志總序總天下之大學術條其綱目名之曰略凡二十畧



生民之本在於姓氏男子稱氏以別貴賤女子稱姓以別婚姻臣今所推有三十二類故作氏族畧書契之本見於文字獨體爲文合體爲字文有子母主類爲母從類爲子故作六書畧字書眼學韻書耳學母主形子主聲故作七音畧天文志有義無象今取丹元子步天歌句中有圖言下成象故作天文畧準禹貢之書而理川源本開元十道圖以續今古故作地理畧梁汴四朝舊都爲痛定之戒南陽中原新宅爲無疆之基故作都邑畧削去曲說作謚畧制器尚象作器服畧樂府正聲以明風雅祀享正聲以明頌以

琴操明絲竹以遺聲準逸詩作樂略書籍散亡由編  
次無紀作藝文略校讎之司未聞其法作校讎略圖  
成經書成緯一經一緯錯綜成文古之學者左圖右  
書即圖以求易即書而求難乃立爲二記日記有記  
無作圖譜略方冊者古人之言語款識者古人之面  
貌作金石略削去五行作災祥略參載籍明品彙作  
昆蟲草木略凡十五略出臣曾臆禮略以叙五禮職  
官略以秩百官選舉略言掄材之方刑法略言用刑  
之術食貨略言財貨之源流五略雖本前人之典亦  
非諸史之文古者記事之史謂之志太史公更志爲

記今謂之志本其舊也元君山曰太史三代世表旁  
行邪上並劾周譜今復表爲譜自春秋之前稱世謂  
之世譜春秋之後稱年謂之年譜二十略不用舊史  
之文紀傳即舊文損益唐書五代史皆本朝大臣所  
修非微臣所敢議故紀傳訖隋若禮樂刑政務存因  
革故引而至唐云

紹興鮑氏國策

十卷紹興中鮑彪編自劉向校定戰國策爲三十三  
卷彪升其第二卷爲首又自更定訓釋見前戰國策

慶元續後漢書

慶元間吉州布衣蕭常起昭烈章武元年辛丑盡少

帝炎興元年癸未爲四十二卷

帝紀年表各二卷列傳十八卷吳載記十一卷魏載

記九卷

吳魏君臣並爲載記列于後

外有音義四卷開周必大爲序

禧中李杞改修三國志六十七卷尊昭烈後主爲漢紀魏吳次之復有義例年譜各一卷

### 建隆編

陳傅良撫太祖政事起建隆迄開寶書其綱要又考累朝沿革得失疏于下凡以表見立國之初意以建隆命編蓋繫之始年也

### 三朝北盟集編

徐夢莘收羅野史及他文書多至二百餘家爲編年之體會粹成書傳聞異辭者又從而訂正之號三朝北盟集編自政和七年海上之盟迄逆亮之薨上下四十五載具列事實制勅詔誥國書奏疏記序碑誌之文成二百五十卷又綱目一冊慶元二年下臨江軍鈔錄以進十一月除直祕閣後又得未見之書再編集補三帙

汪藻金人背盟錄七卷

編年

穀梁傳曰春秋編年四時具而後爲年上尊天時  
紀正人事司馬遷爲紀傳表志之體其後史官悉  
用其法晉荀悅爲漢紀復編年之體後世作者皆  
正史並行

太古以來年紀

漢志春秋家二編

禹本紀

史記大宛傳禹本紀言河出崑崙崑崙其高二千五  
百餘里日月所相避隱爲光明也其上有醴泉瑤池

今自張騫使大夏之後窮河源惡睹本紀所謂崑崙

者乎

天子案古圖書名河所出山曰崑崙

故言九州山川尚書近之矣

至禹本紀山海經所有怪物余不敢言之也

班固作張騫贊

同水經崑崙墟在西北去嵩高五百里地之中也注

禹本紀與此同

### 楚漢春秋

漢志春秋家九篇陸賈所記

索隱曰記項氏與漢高胡越及惠文間事

隋志雜記九卷

唐志

太史公述楚漢春秋接其後事

禮樂志注師古引楚漢春秋高祖之臣別有絳灌文

選注引楚漢春秋

漢世經

律歷志世經首取郊子之論官名稽之於易包羲神農黃帝相繼之世可知因祭典而得共工氏之事因考德而得少昊之事因春秋外傳而得顓頊帝嚳之事因帝系而得堯舜禹湯之事以至因著紀而得漢之事因漢志而推太歲之名論春秋戰國秦漢多及殷歷太昊首德始於木共工水德周人其行序炎帝火德黃帝土德少昊金德顓頊水德高辛木德堯火德舜土德禹金湯水武王木漢繼周木生火爲火德與夫歲辰之所在統章之所至繼世之多寡載祀



修短莫不見焉

漢大年紀

志春秋家五篇

高祖文帝武帝紀臣瓚注引漢帝年紀蓋卽此書

漢紀

荀悅傳建安三年帝好典籍以班固書文繁難省令  
祕書監悅依左氏傳體爲漢紀三十篇詔尚書給筆  
札辭約事詳論辯多美序曰夫立典有五志焉一達  
道義二章法式三通古今四著功勳五表賢能漢四  
百有六載撥亂反正統武興文聖上惟文之恤命立  
國典於是綴序舊書以述漢紀中興以前明主賢臣

符失之軌足以觀矣又著崇德正論及諸論數十篇

**唐志**編年類荀悅漢紀三十卷

書目同

應劭等注

書目同

崔浩音義三卷

漢紀本凡七萬二千四百三十二字

王莽一萬字書奏之歲歲在庚辰

文仲子曰荀悅史手

唐太宗賜李太亮曰悅此書敘致簡

要議論深博極爲政之體盡君臣之義

**書目**凡漢

紀其稱年本紀表志傳者史家本語也其稱論者悅所論粗表其大事以參得失也 **晉袁宏傳**宏字彥

伯撰漢紀三十卷

隋唐志同

**書目**晉東陽太守袁

宏以後漢書煩穢又謝承華嶠諸家錯繆同異無所取正惟張璠紀言漢末事差詳故採而益之比諸家

號為精密

袁宏後漢紀序曰掇謝承司馬彪華嶠

謝沉書漢山陽公記

樂實十卷

漢靈獻起居注

獻帝五卷

漢名

臣奏旁及諸郡耆舊先賢傳凡數百卷班固源流周

瞻然因藉史遷無所甄明荀悅才智經綸足為嘉史

然名教之本帝王帝義韞而未敘今因前代遺事略

舉義教所歸

悅在班固之後宏在范曄之前

唐志侯瑾漢皇德紀

二十卷張璠後漢紀三十卷張緬後漢略二十七卷

劉艾漢靈獻二帝紀六卷袁曄漢獻帝春秋十卷

並

編年

張瑩漢南紀五十八卷

正史

藝文類聚引薛

瑩漢紀

漢皇德紀

見傳類

帝王要略

見雜史

漢表

唐志雜史袁希之漢表十卷韓祐續古今人表十卷  
開元十七年上授太常大祝

史記漢興以來將相名臣年表以大事爲主所以觀  
君臣之職分也如高帝元年大事記沛公爲漢王之  
南鄭還定雍而相位書蕭何守漢中御史大夫位書

周奇守榮陽班氏所書止於公卿拜罷月日削去大事不記 司馬子長年表劉杏謂得法於周譜崔鴻亦倣其義例爲十六國春秋

晉竹書紀年 古文官書

東晉傳初大康二年汲郡人不準盜發魏襄王墓或言安釐王冢得竹書數十車其紀年十三篇記夏以來至周幽王仍述魏事至安釐王之二十年蓋魏國之史書大畧與春秋多相應其中經傳大異則云夏年多殷益于啓位太甲殺伊尹自周受命至穆五百年共伯和攝行天子事其易經二篇與周易上下經

同易繇陰陽卦二篇與周易畧同繇辭則異卦下易  
經一篇似說卦而異公孫段二篇段與邵陟論易國  
語三篇言楚晉事各三篇以禮記又似爾雅論語師  
春一篇書左傳諸卜筮師春似是造書者姓名瑣語  
十一篇諸國卜夢妖怪相書也梁丘藏一篇先敘魏  
之世數次言丘藏金玉事繳書二篇論弋射法生封  
一篇帝王所封大曆二篇鄒子談天類也穆天子傳  
五篇言周穆王游行四海見帝臺西王母圖詩一篇  
畫贊之屬也又雜書十九篇周食田法周書論楚事  
周穆王美人盛姬事大凡七十五篇七篇簡書折壞

不識名題家中又得銅劔一枚長二尺五寸漆書皆  
科斗字文旣殘缺不復詮次武帝以其書付祕書校  
綴次第尋考指歸以今文寫之晷在著作得觀竹書  
隨疑分釋皆有義證晉紀咸寧五年冬十月汲郡人  
不準得竹簡小篆古事十餘萬言藏祕府

衛恒傳

太康元年汲縣人得策書十餘萬言案敬侯所書猶  
有髣髴古書亦有數種其一卷論楚事者最爲工妙  
王接傳時祕書丞衛恒考正汲冢書未訖佐著作  
郎束皙述而成之事多證異義時東萊太守王庭堅  
難之亦有義據皙又釋難接遂詳其得失

續咸著汲

冢古文釋十卷

荀勗傳汲郡家中得古文竹書詔

勗次之以爲中經列在秘書

荀勗穆天子傳敘云太康二年太公碑同穆

天子傳目錄云傅瓚爲校書郎中與勗同校定

隋志紀年十一卷汲冢書

并竹書同異一卷

古史三十四部六百六十六卷始于紀年又雜史有古

文瓌語四卷

汲冢書

晉太康元年汲郡人發魏襄王冢

一云安釐王

得古竹簡書字皆科斗帝命中書監荀勗令

和嶠撰次爲十五部八十七卷

唐志紀年十四卷

崇文目不著錄

中興書目止有第四第六及雜事三卷下皆標云荀氏敘錄一紀年二紀年三雜事

皆殘缺

杜預左傳後序太康元年三月

云云

汲郡得

古書科斗書久廢不能盡通所記大凡七十五卷多



雜碎怪妄不可訓知周易及紀年最爲分了

周易上下篇與

今紀年起自夏殷周皆三代王事無諸國別唯特記

晉國起自殤叔次文侯昭侯至曲沃莊伯

莊伯十一年十一月

魯隱元年正月也皆用夏正建寅之月爲歲首編年相次晉

國滅獨記魏事下至魏哀王之二十年謂之今王蓋

魏國之史記也文意太似春秋經足見古者國史策

書之常也所記多與左傳符同又稱殷仲壬卽位居

亳亦當時雜記 **王隱晉書**束皙傳太康元年汲郡

得竹書漆字科斗之文

周時古文也

大凡七十五卷晉書

有其目錄其六十八卷皆有名題其七卷折簡碎雜

不可名題有周易上下經二卷紀年十二卷瑣語十  
一卷周王遊行五卷說穆王遊行天下之事今謂之  
穆天子傳此四部差爲整頓詔荀勗和嶠以隸字寫  
之

**史通**

凡此數事語異正經此書近出世人多不

信也

竹書說伊尹之事與書序大乖

唐劉昫以竹書紀年序諸侯

列會皆舉謚後人追脩非當時正史如齊人殲于遂  
鄭棄其師皆孔子新意師春一篇錄卜筮事與左氏  
合知按春秋經傳而爲也因著外傳云

**中興書目**

汲冢師春一卷案杜預云純集齟左氏傳卜筮事今  
雜叙諸國世系及律呂謚法末載變卦雜事嘉祐中

蘇洵編定六家謚法其表謂采汲冢師春者即此書所載謚法云顏之推云汲冢瑣語乃載秦望碑非

本文也書正義汲冢古文云盤庚自奄遷于殷紀

年云殷仲壬即位居亳左傳攜正正義引汲冢書

紀年云云束皙云案左傳云云水經注多引竹書

紀年前漢地理注臣瓚引汲郡古文梁惠王發逢

民後東夷傳注竹書紀年曰后芬三思之藪以賜

年九夷來御吳都賦注引汲郡地中古文冊書

史記正義引竹書紀年韓愈黃陵廟碑引竹書紀年

齊文惠太子鎮雍州有盜發楚王冢獲竹簡書青絲

綸簡廣數分長二尺王僧虔曰是科斗書考工記

晉帝王世紀

皇甫謐傳謐以著述爲務自號玄晏先生撰帝王世紀年歷高士逸士烈女等傳玄晏春秋並重於世

書目晉正始初安定皇甫謐撰以漢紀殘缺始博案經傳旁觀百家著帝王世紀并年歷合十二篇起太

昊帝迄漢獻帝隋志皇甫謐十卷起三皇盡漢魏

何茂林續帝王世紀十卷虞綽音四卷陽曄華夷帝

王世紀三十卷甄鸞帝王世錄一卷姚恭年曆帝紀

三十卷唐志雜史皇甫謐帝王世紀十卷中興書目九卷

闕周中一卷

又年曆六卷何茂林帝王代紀十六卷歷紀

十卷姚恭年曆帝紀二十六卷代譜四十八卷

周武帝勅

撰諸葛耽帝錄十卷盧元福帝王編年錄五十一卷

共和以來甲乙紀年二卷

並雜史

春秋緯開闢至

獲麟凡三百二十七萬六千歲分爲十紀大率一紀

二十七萬六千年

一云凡世七萬六百年

小司馬氏補三皇

本紀引帝王世紀及徐整三五曆

唐志三五曆紀二卷

鄭康

成六藝論遂皇之後歷六紀九十一代至伏羲始作十二言之教

### 漢晉春秋

晉習鑿齒傳

桓溫覬覦非望鑿齒著漢晉春秋以裁

正之起漢光武終於晉愍帝於三國之時蜀以宗室  
爲正魏武雖受漢禪晉尚爲篡逆至文帝平蜀乃爲

漢亡而晉始興焉凡五十四卷

唐志卷同

又上疏謂晉宜

越魏繼漢不應以魏後爲三恪謹著論曰若以魏有  
代王之德則其道不足有靜亂之功則孫劉鼎立道

不足則不可謂制當年當年不制於魏則魏未曾爲

天下之主王道不足於曹則曹未始爲一日之王自

漢末鼎沸五六十年吳魏犯順而彊蜀人杖正而弱

三家不能相一萬姓曠而無主夫有定天下之大功

爲天下之所推孰如見推於闇人受尊於微弱配天

而爲帝方駕於三代故舊之恩可封魏後三恪之數  
不宜見列以晉承漢功實顯然又何爲虛尊不正之  
魏而虧我於大通哉

**隋志**

習鑿齒漢晉陽秋四十

七卷孔舒元衍漢魏春秋九卷

漢書注計書先上太史公副上丞相記事如古春秋  
叙傳序春秋考紀表志傳凡百篇王命論垂策  
書於春秋師古曰史書記事之總稱光武紀注范  
曄序例云帝紀畧依春秋

唐四十一家編年

**志** 史錄編年類四十一家四十八部九百四十七卷 姓名四

家始於汲冢書紀年終於張大素隋後畧漢有荀悅  
侯瑾張璠袁宏張緬劉艾袁曄樂資習鑿齒之書而  
應邵崔浩漢紀音注附焉魏吳晉有孫盛魏澹梁祚  
環濟陸機干寶劉謙之曹嘉之除廣鄧粲檀道鸞蕭  
景暢郭季產杜延業之書而劉協注晉紀附焉宋齊  
梁北齊隋有王智深裴子野鮑衡卿王琰沈約吳均  
謝昊劉璠何之元蕭韶姚最王劭趙毅張大素之書  
而臧嚴栖鳳春秋附焉失姓名者汲冢紀年魏武本  
紀皇帝紀梁末代記四家不著錄者柳芳唐曆以下  
及韋澳吳兢韋述陸長源陳巖焦璐李仁實馬總王



起黃台符賈欽文曹圭張素劉軻封演彙美柳璨之  
書終於李正文漢至唐年紀凡十九家三百五十五  
卷 隋志謂之古史自紀年至齊志三十四部六百  
六十六卷 景德二年龍圖閣書目編年一千一十  
三卷 崇文總目三十八部五百七十九卷 中興  
日六十二家一千三百二十卷 續目十一家四百  
十七卷

皇甫湜編年紀傳論合聖人之經者以心不以跡得  
良史之體者在適不在同

唐編紀 周書

李至遠傳

素立之孫

少秀悟能治尚書左氏春秋未見其

預釋例而作編紀

一作記

大趣略同復撰周書起后稷

至赧王爲傳紀令狐德棻許其良史

高宗時

### 唐編年傳

蕭穎士傳嘗謂仲尼作春秋爲百王不易法而司馬

遷作本紀書表世家列傳叙事依違失褒貶體不足

以訓乃起漢元年訖隋義寧編年依春秋義類爲傳

百篇在魏書高貴鄉薨曰司馬昭弒帝于南闕在梁

書陳受禪曰陳霸先反又自以梁支孫而宣帝逆取

順守故武帝得血食三紀昔曲沃篡晉而文公爲伯

仲尼弗貶也乃黜陳閔隋以唐土德承梁火德皆自  
斷諸儒不與論也有太原王諸者僧辨裔孫譔永寧  
公輔梁書十卷黜陳不帝穎士佐之亦著梁蕭史譜  
二十卷乃作梁不禪陳論以發義例使光明云李  
華三賢論曰穎士尤罪子長不編年而為列傳後世  
因之非典訓也自春秋三家後非訓齊生人不錄

唐續春秋詳見續春秋

裴光庭傳開元中光庭拜侍中兼弘文館學士又引  
壽安丞李融拾遺張琪皆佐司馬利賓直弘文館撰  
續春秋經傳約周公舊規依仲尼新例自戰國訖隋上至周  
下至有隋請

天子修經光庭作傳書久不就

冊府元龜開元三

十年三月丁卯奏

唐曆 續唐曆

柳芳傳肅宗詔芳與韋述綴吳兢所次國史上元中

坐事徙黔中時高力士亦貶巫州因從力士質開元

天寶及禁中事具識本末時國史已送官不可追刊

乃推衍義類做編年法爲唐曆四十篇頗有異聞然

不立褒貶義例爲諸儒譏訕李德裕奏芳子冕以力

上一十七事爲次 蔣偕傳初柳芳作唐曆大曆以

後闕而不錄宣宗詔崔龜從韋澳李荀張彥達及伯

監注丁介刊

等分年撰次，盡元和以續云。志柳芳唐曆四十卷。

續唐曆二十一卷，韋澳、蔣偕、李荀、張彥達、崔瑄撰，崔

龜從監修。會要大中五年七月，宰臣監修崔龜從

等撰續唐曆二十卷。舊紀二十卷。中興書目柳芳撰唐

曆起隋義寧元年，盡大曆十三年八月。崇文目唐曆

一卷叙制度為詳。晁氏志云：初，芳次國史，與高祖訖乾元，凡百

三十篇，叙天寶後事，弃取不倫。後同本傳後崔鉉續修之。

未就。宣宗大中間，命崔龜從起大曆十三年春，盡元

和十五年，凡二十二卷。

唐日曆

會要永貞元年九月壬申

憲宗初立

監修韋執誼奏皇王

大典實存簡冊自頃史官修撰皆於私家紀錄望令  
修撰官各撰日曆凡至月終卽於館中都會詳定是  
非除已成實錄撰進宣下者其餘見修日曆並不得  
私家置本從之

**蔣乂傳**父將明肅宗擢集賢殿學

士乂貞元中修撰子係大中二年史館修撰伸偕亦  
修撰傳曰蔣氏三世踵修國史稱良筆咸云蔣氏日  
曆天下多藏焉

此日曆所從起也

中興書目有天

祐日曆一卷歐陽修曰書雖不全然唐之遺文也

宋子曰曆數者帝王相繼之次第猶日曆明氣節之

先後

後漢公卿有所撰述始集公府乃上蘭臺唐制專命大臣纂錄時政季送史館蓋獻替之語非禁近莫得而聞傳信之辭非史官莫得而預事大體重實相關焉

唐通曆

志馬總十卷編年類

本傳著集年曆通曆

書目唐馬總撰

朝議

郎守臬州別駕

起天皇氏總以史籍繁蕪故上索三墳中稽

五典迄于隋季爲十卷今存

又云貫竇曆於聖唐是日通曆前進上齊推

序自十一卷起唐高祖者卽孫光憲所續也光憲皇

朝人作續通曆十卷起唐高祖止閩王審知今附於

通曆後者唯五卷爾通曆一書大抵簡畧首紀三皇  
尤詭誕不經與司馬貞補史記所言無異隨事間有  
論著謂文帝庶幾於王道而景帝之擬成康則有慙  
德謂宣帝刑名圖霸之王也而世以比光武非其倫  
也斯言當矣

摠又有唐年小錄六卷載德宗以前故事

晁氏志馬總通

曆十卷纂太古十七氏中古五帝三王及刪取秦漢  
三國晉十六國宋齊梁陳元魏北齊後周隋世紀興  
滅粗述其君賢否取虞世南畧論分系於末以見義  
焉孫光憲續十卷輯唐洎五代事以續馬總曆參以  
黃巢李茂貞劉守光阿保機吳唐閩吳越兩蜀事迹



大祖朝詔毀其書以其所紀多非實也 志李仁實

通曆七卷

編年

徐整通歷二卷三五曆紀二卷通曆

二卷雜曆五卷孔衍國志曆五卷長曆十四卷

雜史

賈欽文古今年代曆一卷

大中時人編年

劉軻帝王曆數

誥一卷

元和末

司馬光通歷八十卷

### 唐天祚長曆

柳璞傳

仲郢子終著作郎

著春秋三氏異同義又述天祚長

曆斷自漢武帝紀元爲編年以大政大祥異侵叛戰

伐隨著之閏位者附見其左嘗謂杜征南春秋後序

述紀甲曆爲得實自餘史家皆差蔣係以爲然 志

柳璞正閏位曆三卷又黃台符古今通要四卷

宣懿時人

### 唐統紀

志陳嶽唐統紀一百卷

崇文目同

中興書目檢校尚書

屯田員外郎陳嶽撰以荀悅袁宏有漢紀遂爲大唐  
統紀起武德盡長慶末凡十三朝成一百卷用春秋  
例間著論云

### 唐大統紀

文粹陳鴻修大統紀三十卷正統年代隨甲子紀年

以世本尚書春秋  
緯書及諸史爲據

絕筆於元和六年辛卯上推至炎

帝元年癸未凡三千六百九年

唐三國春秋

志雜史崔良佐卷亡員半千二十卷

建隆龍飛日曆

一卷趙普記顯德七年正月藝祖受禪事是年改元建隆三月普撰此書普時爲樞密學士

開寶日曆

又見時政記

開寶七年閏十月庚申判史館扈蒙言唐文宗開延英大臣論事命舍人執筆螭頭以記時政唐明宗命端明樞密二學士修日曆顯德元年十月修明宗之制近此事皆廢宜命宰輔每日紀錄詔參政多遜典其事雍熙四

年九月直史館胡旦言建隆至今日曆不備詔於史館西廡修之淳化四年翰林學士修國史宋湜修日曆尋罷乾興元年五月丁丑詔先朝日曆起居注未

上者亟修纂乙酉史館請權於宣徽院修日曆十一月修撰李維宋授言先朝日曆自祥符元年已後未纂輯甲戌遂命館閣儒臣王舉正李淑爲史館編修慶曆中張方平兼修撰自乾興至慶曆日曆以屬之粲然復全歐陽修言錄本進呈事有諱避史官雖欲書而不敢書請更不進本書目有周顯德日曆一

卷六年夏扈蒙秋董淳冬賈黃中

舊制以宰相監修國史修撰直館檢討無常員輯時

政記起居注撰日曆

繫以日賦

置編修院于門下省元豐

四年總于史館官制正名屬秘書省國史案六年三月

己卯詔長貳母得與著作修纂日曆事七年十一月

己亥詔記注及諸司文書皆送著作八年命曾肇林

希兼著作元祐五年十一月置局名曰國史院隸門

下省紹聖二年詔日曆還秘書省 紹興元年四月置

修日曆所七月命秘書長貳通修纂日曆

初元豐六年之制長

貳不與今從少監程俱請

三年六月左相呂頤浩兼提舉修國史

時修日曆張綱言秘書權輕難以取會又孫近言景

德二年王旦爲相領史職請宰輔提舉故有是命八月又詔郎佐以郎官兼領十年二月併歸國史案以著作郎佐修纂遇修正史實錄卽置國史實錄院見修日曆宰相提舉以監修國史繫銜乾道二年十二月修成欽宗日曆七十五卷詔免進呈

開寶歷代紀要

崇文目雜家開寶五年四月癸卯參知政事劉熙古進五十卷詔褒之

本傳嘗集古今事跡爲歷代紀

要五十卷

賈昌朝通紀八十卷

當改

景德甲子編年曆

中興書目二卷

實錄三卷

直史館劉蒙叟撰採其父熙古

所著皇王紀要及古今帝王年代曆則爲五運甲子

編年曆三卷自唐堯起庚子至太祖建隆元年庚申

凡三千三百一十二年

首尾無誤以自唐堯以上至黃帝逐代皆

有子孫其所書元年甲子及在位年數不可攷故也

景德中上之蒙叟字道民宋州人

天聖漢春秋

嘉祐唐史記

唐紀

天聖元年九月十六日中書門下言胡旦先撰漢春

秋一百卷久未進入詔令本州遞進

淳化五年旦言臣參兩漢君臣

事跡得魯史之例著爲春秋凡百篇帝曰且褒貶由智臆豈得容易流傳二年二月癸亥

州以旦書上進上稱歎之以秘書監致仕 命一子爲

京官

初旦上所撰漢春秋一百卷上因問旦著書本

末宰臣王欽若曰旦太宗朝進士第一人詞學精博

嘗謂三代之後唯漢得正統因四百年行事立褒貶

著此書以儗春秋上稱歎故有是命 一云三年九月 [實錄

祥符三年十二月丙寅襄州言通判司封外郎胡旦

撰漢春秋百篇詔給札錄進 初旦斷大硯方五六尺既而埋之旦刻曰胡旦

修漢春秋 天章閣侍講孫甫據實錄與書兼採諸家

著錄參驗不差足傳信者修爲唐史記舊史文繁者

刪之失者改之意不足而有他證者補之事之不要



者去之要而遺者增之是非不明者正之用編年之體以序君臣之事其體略與實錄相類自康定元年修是書至皇祐四年草具遂作序述其意逮嘉祐元年成七十五卷論九十二首

文彥博從甫借之不與

但錄姚崇宋璟論以與之

陳彭年以班固謝承爲

漢書而荀悅袁宏爲紀虞預王隱爲晉書而于寶爲紀唐文物憲章可述獨缺編年之史乃次新書定爲唐紀四十篇三十萬言

書目四十卷起高祖訖哀帝

劉直方修大唐機要三十卷刪冗補遺

景祐五朝春秋

五代紀

三年七月丁亥工部郎中王軫直祕閣軫上五朝春秋二十五卷

託始於吳越

特擢之庚寅集賢院學士孫冲

上五代紀七十七卷詔獎諭

慶曆紀年通譜

見改元

七年六月九日丁亥參政宋庠上所撰紀年通譜庠取十七代正史并百家雜說凡正僞年號成一書詔送史館

中興書目十二卷

紀年通譜自漢文帝

後元戊寅止周恭帝顯德庚申爲九篇以本朝建隆之元至慶曆辛巳爲一篇皆曰統元以甲子貫之有五號曰正閏僞賦蠻夷以王莽十九年繫孺子更始

以接建武東魏十七年附西魏豫王六年天后十五年繫中宗緒神龍朱梁十六年通濟陰天祐續同光据晉恭帝禪宋之歲對魏明元泰常五年尊北降南始主正朔乃通譜之新意也別二篇舉字爲類各部分爲類元 畢仲荀續一卷起慶曆壬午迄徽宗

易緯稽覽圖甲寅伏羲氏至無懷氏五萬七千八百八十二年神農五百四十年黃帝一千五百二十年少昊四百年顓頊五百年帝嚳三百五十年堯一百零五年舜五十年禹四百三十一年殷四百九十六年周八百六十七年秦五十年已上六萬三千六百一十

二年庚戌年。四百九十一年。筭上。右總六萬四千一百三年。相基加二年。

皇極經世三四二卷。列世數與歲甲子。下紀帝堯至于五代。歷年表以見天下離合治亂之迹。以天時而驗人事。五六二卷。列世數與歲甲子。下紀自帝堯至五代。書傳所載興廢治亂得失邪正之迹。以人事而驗天時。三皇春也。五帝夏也。三王秋也。五伯冬也。七國冬之餘冽也。漢王而不足。晉伯而有餘。三國伯之雄者也。十六國伯之叢者也。南五代伯之借乘也。北五朝伯之傳舍也。隋晉之子也。唐漢之弟也。隋李諸

郡之伯江漢之餘波也唐季諸鎮之伯日月之餘光也後五代之伯日未出之星也

甲辰堯肇位於平陽堯舜其猶夏之將

至日之  
向中乎

### 治平資治通鑑

編年通志

目錄 考異

外紀

舉要曆

紀事本末

綱目見後

治平三年四月辛丑命龍圖直學士侍讀司馬光編集歷代君臣事迹初光患歷代史繁重學者不能綜況於人主欲上自戰國下迄五季正史之外旁采他書關國家興衰係生民休戚善可爲法惡可爲戒者依左氏傳體爲編年一書名曰通志

因春秋編年之體倣荀悅簡要

之文遂約戰國至秦二世爲八卷以進英宗悅之命續

其書置局祕閣以劉恕趙君錫同修後以劉放代君錫又范祖禹

同修表云於崇文院置局許借龍圖天章閣三館祕閣書籍賜以御府筆墨繒帛四年十月

巳酉初御邇英甲寅九月初進讀賜名資治通鑑神宗

親製序面賜光令侯書成寫入又賜穎序曰光之志

以爲威烈王命韓趙魏爲諸侯周雖未滅王制盡矣

此亦古人述作造端立意之所繇也其所載明君良

臣切摩治道議論之精語德刑之善制天人相與之

際休咎庶證之原威福盛衰之本規模利害之効良

將之方畧循吏之條教斷以正要於治忽辭令淵

康熙二十六年刊

厚之體箴諫深切之義懷謂備焉凡十六代博而得

其要簡而周於事是亦典刑之總會冊牘之淵林矣

表云寵以冠序錫之嘉名每開經筵常令進讀

豐元年十月光奏子康爲檢閱文字從之 熙寧元

年二月十一日又進讀移刻乃罷 元豐七年十二月

一本云二年詔光進讀於通英

戊辰或云十一月進呈書成二百九十四卷上起戰國下終

五代凡一千三百六十二年又畧舉事目年經國緯

爲目錄三十卷參考羣書評其同異俾歸一塗爲考

異三十卷合三百五十四卷自治平開局迄今始成

凡十九年表云西京留司御史臺及提舉崇福官前後六任聽以書局自隨 詔書獎

諭賜銀帛衣帶鞍馬每編始未識 上諭輔臣曰前代

未嘗有此書。過荀悅漢紀遠矣。以光為資政殿學士。輔臣請觀之。遂命付三省。光編集通鑑既成。撮精

要之語為目錄三十卷。晚病。目錄太簡。更著舉要曆

八十卷而未成。

紹興初。資政學士臣克家上之。書目八十卷。

光又著歷年

圖七卷。通歷八十卷。稽古錄二卷。劉恕作外紀十

卷。恕謂光為歷代書而不及周威烈王之前。以包羲

至未命三晉為諸侯。可為前紀。本朝一祖四宗一百

八年。可為後紀。及恕病廢。絕意於後紀。乃更前紀為

外紀。猶春秋外傳之義。又有目錄三卷。起包羲訖周

威烈王二十二年。

起三皇止周共和。載其世次而已。



丁丑四百三十  
八年為一編

通鑑問疑一卷劉恕子義仲記恕

議論及問荅之語

通鑑釋文三十卷史炤紹興三

十一年上

前例一卷乾道間光曾孫伋分類三十

六例為前例又為四圖

紀事本末四十二卷袁樞

編淳熙三年十一月二十四日參政龔茂良言袁樞

編通鑑紀事有補治道或取以賜東宮增益見聞詔

嚴州摹印十部仍先以卿本上之

淳熙元年三月戊子楊萬里為序

始於三家分至百終於世宗征淮南

陳傅良續通鑑節要十卷張

栻通鑑論薦

司馬康曰資治通鑑之成書蓋得人焉史記前後漢

別劉貢父

放

自三國歷七朝而隋則劉道原恕唐

五代則范純甫

翻

此三公者天下之豪英也我公以

純誠粹識不懈晝夜久乃成就之其在正史外而有以博約之楚漢事則司馬彪荀悅袁宏南北朝則崔鴻十六國春秋蕭方等三十國春秋李延壽書雖無表志而可觀太清記亦時有足採者建康實錄猶檜而下無譏焉唐以來裨官野史暨夫百家譜錄正集別集墓誌碑碣行狀別傳幸多存而不敢少忽也要是柳芳唐歷爲最可喜

歷年圖

司馬光讀史患其文繁事廣不能得其綱要又諸國分列歲時先後參差不齊乃采共和以來訖五代畧記國家興衰大迹集為五圖每圖為五重每重為六十行每行記一年之事其年取一國為主而以朱書他國元年綴於其下凡一千八百年曰歷年圖 劉攽編年紀事十一卷

治平補日曆

四年六月癸酉監修韓琦乞差實錄檢討陳繹同補未修日曆從之

熙寧百官公卿表

紹興續百官公卿表

見官制 紹興二十九年七月十七日戊戌史院言  
知成都雙流縣李燾有續皇朝百官公卿表一百十  
二卷內九十卷係私自編纂乞給札抄錄從之 蔡幼學亦爲  
續公卿百官表年曆大事記備志辨疑編年政要列  
傳舉要等百餘篇表凡二十卷質疑十卷自治平訖  
紹興五年

熙寧編年通載

書目十卷熙寧間起居舍人兼判史館章衡撰其序  
云修史者十一人事訛舛因編歷代帝系名年始自  
唐虞至于治平四年總三千四百年大率編年之例

首國號廟謚以表元繫日月以記事以便觀採  
七年  
八月十一日延和殿進呈賜三品服

晁氏志編歷

代年號貫以甲子凡繫於存亡綱紀之大者無不詳  
錄且刊正謬誤如史記載舜年虞書不同漢紀載魏  
受禪與魏志受禪壇碑各異之類

皇朝十國紀年 疑年譜

書目 祕書丞劉恕撰記五代僭偽吳唐前後蜀吳越  
閩漢楚荆南北漢十國君臣事迹本四十二卷今存  
止四十卷恕又有疑年譜一卷恕謂先儒敘包義女  
媧下逮三代享國之歲惟大庭至無懷氏無年而有

總數及後世計堯舜之年衆說不同三統歷次夏商  
西周與汲冢紀年及商歷差異故載周厲王以前二  
千五百一十九年爲譜 **晁氏志**十國紀年四十二  
卷長於考異同而拙於屬文

高宗日曆 建炎中興日曆 紹興修日

紹興元年四月甲戌

入

詔修日曆用程俱請也

以日曆所

爲

七月九日詔長貳通修纂二年二月丙戌初置著

作官二員編次月曆自渡江無史官至是沈與求以  
爲請三年九月日戊寅正字陳祖言請修建炎以來日

曆從之六月庚戌左相頤浩提舉修國史時未有日曆始命大臣典領二年十月甲辰詔汪伯彥董耘梁揚祖耿延禧高世則編類元帥府事蹟以付史館用著作虞灑請也其後悉以書聞六年四月戊戌朔史館修纂皇帝大元帥府事蹟十卷上之九年六月汪伯彥上建炎中興日曆五卷最備三十二年二月丙戌著佐張震言自建炎元年至紹興十二年日曆已成者五百九十卷多所舛誤而十二年以後迄今所修未成書者至八百三十餘草卷未得立傳者七百七人望令長貳同修纂內因故相所作時政記

者並審訂脩改從之 乾道七年汪大猷言太上日曆重脩未備者十七年陛下龍飛七載而日曆所修未及一年望稍增史貞編修 淳熙三年祕書監李壽編次成一千卷三月三日戊申進呈辛亥恭進並如進聖政之制 淳祐八年祕省校讎繕寫上之

紹興二年十一月壬午知湖州汪藻言大上淵聖及建炎改元至今三十餘年並無日曆本朝宰相皆兼史館故書榻前議論之辭則有時政記柱下見聞之實則有起居注類而次之謂之日曆修而成之謂之實錄望許臣編集元符庚辰至建炎巳酉三十年間



詔肯以備修日曆官采擇許之凡六年乃成

一本云汪藻言

大上皇元符以來至上建炎之元並無日曆上曰無以易藻尋知湖州領日曆如故復命辟官屬二員書成凡八百冊上之賜茶藥進官二等

錄成用藻所著爲多

### 紹興歷代帝王年運銓要

書目十卷紹興初朱繪纂以歐陽修作正統圖黃帝五十六氏一切采錄乃起自伏羲政和間吳逵撰帝王系譜一卷自兩漢迄顯德一千一百六十五載胡宏作皇王大紀八十卷

### 紹興孔子編年

書目胡仔撰

紹興初

起魯襄公二十二年訖哀公十

六年自孔子始生至卒凡七十三年五卷

孝宗日曆

紹興三十二年七月詔日曆所自三十一年六月十一日起修日曆既而淳熙五年閏六月有詔修纂至淳熙四年六月十八日上之成書一千一百五十五卷十六年二月己丑詔編類壽皇日曆成書朕當遵行之仰稱付託之意自淳熙五年正月續修止

淳熙十六年二月一日

紹熙元年八月戊戌十六日

進日曆二千卷己亥恭進 淳祐十一年祕省校讎

補寫上之

哀鸞臺時政之編合螭陛史臣之法 作春秋而因  
史記爲唐曆而倣編年 萃四七載之懿鑠爲二十  
卷之成書

乾道資治通鑑綱目

紹興八年胡安國因司馬光遺藁修成舉要補遺文  
約而事備乾道壬辰朱熹因兩公之書別爲義例爲  
綱目五十九卷 序例一卷 綱倣春秋而叅取羣史之

長目倣左氏而稽合諸儒之粹 綱者春秋著事之法  
目者左氏備言之體

序例曰表歲以首年 逐年之上  
子字則未書以別之則雖無事

依舉要以備歲年 而因年以著統 凡正統之年歲下大書  
非正統者兩行分注 大

書以提要

凡大書有正例變例正例如始終與廢災

例如不在此例而善可為而分注以備言

法惡司為戒者皆特書之

者有遂言其終者有詳陳其事者有備載其言者有

因始終而見者有因拜罷而身者有因事類而見者

有因家世而見者有溫公所立之言所取之論有胡

氏所收之說所著之評而兩公所遺與夫近世大儒

先生折衷之語今亦 歲周於上而天道明統正於下

頗采以附於其間

而人道定大綱槩舉而鑒戒昭衆目畢張而幾微著

乾道續資治通鑑長編

舉要

乾道四年四月丙辰禮部郎李燾言臣於去年八月

會要二 奉旨從汪應辰奏取臣所著續資治通鑑自

十九日 建隆迄元符令有司繕寫校勘藏之祕閣臣尋於十

四日賜對面奉旨令早投進又令給札臣先次寫到  
建隆元年至治平四年閏三月五朝事迹共一百八  
年計一百八卷內建隆元年至太平興國元年太祖  
一朝事迹雖曾於隆興元年具表投進後來稍有增  
益謹重錄進治平以後文字更加整齊節次脩寫臣  
此書非可便謂續資治通鑑姑謂續資治通鑑長編  
庶幾可也其篇帙或相倍蓰則長編之體當然寔失  
於繁猶光志云爾今寫成一百七十五冊并目錄一  
冊上進五月壬戌朔詔燾纂述有勞特轉兩官六年  
三月二日詔降下長編付秘書省令依通鑑字樣大小

繕寫仍將李燾銜位於卷首依司馬光銜位修寫淳

熙十年三月六日燾爲遂寧守始上其全書

會要云六百八

十七冊十年

自建隆至靖康凡九百八十卷

書目一百六十一

修撰上之

舉要六十八卷上甚重之以其書藏秘府

入卷建隆先是淳熙二年二月二十二日進神哲三百

冊燾以司

馬光作資治通鑑唐三百年長編范祖禹掌之祖禹

所脩六百餘卷光細刪之止八十卷故燾纂集用光

義例廣記備言以待後之作者燾又撰江左方鎮年

表十六卷自晉末嘉訖陳貞明以孫氏不能保淮李

氏不能踰浙又亡荆及巴蜀故削而不著 楊仲良

爲長編紀事本末一百五十卷 熊克中興紀事本末一名中興小曆

乾道丁未錄 淳熙國紀

乾道七年同修國史趙雄言右修職郎李丙嘗纂丁未錄起治平之末迄靖康之物其間議論更革往往編年該載乞給札繕寫八年六月戊戌二云詔李丙所錄一百冊二百卷淹貫該博用功甚多特轉右承事郎丙又撰丙申錄吏部侍郎徐度著國紀百餘

卷淳熙三年五月九日李燾請給札下湖州抄錄赴國史院參照從之

淳熙大事記 通釋解題

淳熙七年呂祖謙作大事記起周敬王三十九年迄漢武征和三年采左傳稽古錄通鑑目錄舉要曆皇極經世歷代史輯而廣之參稽百氏書法視太史公所錄不盡用策書凡例 呂中皇朝大事記

淳熙九朝通略

十一年十二月四日知台州熊克上九朝通畧一百六十八卷 一百册 詔遷一官 倣通鑑之體作繫年之書一載釐爲一卷 簡要不如徐度之紀詳備不如李燾之編



嘉泰光宗日曆 嘉定日曆

紹熙五年閏十月十六日著作郎王容等修太上皇帝及今上日曆慶元六年二月二十二日上太上日曆三百卷嘉泰二年十一月十四日秘書監曾喚等請再修潤以光宗日曆爲名十六日上今上日曆五百十卷嘉定三年三月十三日右正言黃中請刊定初元日曆所載龍飛事迹十四年五月九日上改正今上日曆五百十卷淳祐二年上寧宗日曆

修日曆式少監程俱定紹興三十二年少監陳之淵著佐張震復上建炎以後日曆格乾道中著佐鄭伯

熊以新舊格參立 進則奉延英之對退而裁東觀  
之書事則親聞理期傳信

嘉定建炎以來繫年要錄

李心傳撰一百卷嘉定五年五月付國史院

國朝編年政要

蔡幼學四十卷起建隆止靖康紀政事大畧其體皆  
編年法惟每歲先列宰執拜罷爲異又國朝實錄列  
傳舉要十二卷起國初止神宗

陳均皇朝編年備要三十卷

依朱文公綱目義例據  
事實錄不敢盡同其書

法

徐自明宰輔編年錄

原书缺页198-末